



## Candela grandi na Don Elias Mansur Ballpark



**AYERA** tardi, bomberonan a ser avisa, cu tin un candela grandi na Don Elias Mansur Ballpark na Dakota. For di distancia, por a mira lenganan di candela ta bai halto, indicando cu ta trata di algo hopi serio. Pero ora cu e unidadnan di bombero a yega, nan no por a dreña, pa cual nan mester a kibra e slotnan na porta, p'e unidadnan por a dreña y asina combati e candela. Eynan paden, por a ripara cu ta un parti cu a ser construi di palo riba e parti patras di e tribunanan y no ta conoci, kico tabatin den dicho espacio, cu a kima por completo. E tabatin algun airco trahando y manera menciona, practicamente henter e parti extra aki a bai perdi y tambe loke tabatin paden. E investigacion di e causa ta sigui den curso di awe, ora cu lo papia cu esnan responsabel cu maneho di Don Elias Mansur Ballpark.

Gayco awor  
tambe ta  
interesa  
pa compra  
Bestuurs  
kantoor •Pag. 3

Coordinador  
di Minister a  
keda deteni,  
despues di  
no kier sigui  
orden di polis  
•Pag. 2

Supermercadonan Chineses no ta acepta proposicion di  
Gobierno pa agrega solamente 15% di ganashi •Pag. 5




## Compleho di apartamento na Moko na candela



**TABATA** pasa di 1 or di diasabra madrugá, cu polis y Cuerpo di Bombero ta haya notificación cu tin un compleho di apartamento na candela. Cu esaki ta keda na Moko, den becindario di Rancho Monte Blanco. Centro di Alarma a manda 2 unidad di bombero, kendenan a sa di combati e candela den un forma masha eficiente, limitando cu e daño tabata na un apartamento so, cu di acuerdo cu informacion cu nos a haya n'e sitio, no ta habita, pero tabatin si algun pertenencia. E apartamento mas serca, a haya daño di huma y awa.

## Coordinador di Minister a keda deteni, despues di no kier sigui orden di polis



**DIASABRA** madrugá, alrededor di 5 or di madrugá, polis ta ser manda na altura di The New Shanghai Bar & Restaurant na Noord, pa un bringamento cu lo ta tumando lugar n'e sitio. Ora cu e prome patruxa policial a yega, un persona, kende despues ta resulta di ta coordinador di Minister di Turismo, ing. Edison Briesen, y kende tabata basta "bao di su awa", ta

declara cu ora cu e tabata bay pa su auto den compania di un amigo, nan dos a keda agredi pa un grupo di persona y e hendenan aki a cuminsa bringa formalmente cu nan. Su amigo, a dicidi di baha na awa, pakico, e lo mester splica esey. Ora cu polis a termina, el a bisa e coordinador p'e bandona e lugar, y e no kier a tende y mas bien a cuminsa discuti cu

e polisnan, pa cual no a keda otro, di detene y hib'e Warda di Polis, unda nan a dun'e un cuarto gratis. Mientrastanto su amigo a presenta na Warda di Polis, pa duna keho, pero e si no a keda deteni. E coordinador aki, di fam D. despues di 24 ora di su detencion y cu el a bira bon, cu tur alcohol di e anochi a sali, por a bai su cas, pero e lo haya un procesverbal.

## Empresario Hindu asesiná den su empresa na Punda

**WILLEMSTAD** - E tranquilidad di diadomingo na Còrsow a keda cruelmente strobá ora e noticia a plama cu polis a haña un persona asesiná den su negoshi den Punda. Reportadamente e asesino of asesinonan a horca of a corta e ader mayor di

e empresario. Ta trata di Nanik Daryanani, kende reportadamente tabata un persona di 60+ di edad. E empresario tabatin un Internet Café den Punda pegá cu e restaurant di cuminda chatara Kentucky Fried Chicken y taba-

tin hopi aña na Còrsow. Su famianan local ta doño di Casa Radiante y hopi aña pasá nan tabata doño di Indra Shop cu tabata un conocido tienda cu turistanan tabata frecuentá. Polis na momento cu AWE**Mainta** a bai prensa no a proporcioná

ningun detaye riba e caso y ta John Daryanani, prominente empresario Hindu, nos a haña confirmacion di asesinato di Nanik Daryanani. Nanik Daryanani ta conoci na Aruba tambe, pasobra mayoria di su yiunan ta biba aki. Hopi biaha e yiunan

a pidi'e pa bin biba na Aruba, pero e no tabata kier, pero asina cu e haya oportunidad e ta bishita nan na Aruba. Su yiunan ta Nadine, Ishwar y Rekha. Na nan y na demas famia, ta bai nos mas sincero condolencia. Cu Nanik sosega na paz.



# Gayco awor tambe ta interesa pa cumpra Bestuurskantoor

**TABATA** Gobierno di Nel Oduber, kende a aserca ehecutivonan di MetaCorp, pa determina si nan lo por ta interesa pa cumpra Bestuurskantoor. Asina cu e noticia aki a plama, nos por corda ainda, cuanto protesta tabatin, e.o. dor di partido AVP, cu a bisa cu no por bende un patrimonio di Aruba, cu sigur mester keda como un monumento.

Pero e diferencianan aki a keda clarifica. Awor cu a sali na cla cu no tin diferencia mas, nos di AWEMainta a haya informacion cu despues cu MetaCorp. a expresa di tin interes, ata awor Gayco Group ta surgiendo como un di e interesadonan pa cum-

pra Bestuurskantoor.

Y ta un secreto publico, kende(nan) ta tras di Grupo Gayco. Siman pasa ainda, Eduardo de Veer den un entrevista a bisa, cu despues cu MetaCorp a expresa interes den compra di Bestuurskantoor, nan no a tende nada mas. Y si ainda Gobierno kier bende e edificio ey, nan di MetaCorp. lo t'e promenan para den rij.

Awor ata Gayco na Aruba tambe awor kier hinca pia den grupo De Veer, despues cu na Corsow nan kier forma un aliado cu MetaCorp pa desaroya Rif y aparentemente tin sosten di Diputado Anthony Godett.

Na Aruba, te ainda no tin un decision, pero extraoficialmente nos di AWEMainta por a compronde cu tin mas grupo interesa den Bestuurskantoor pa desaroya. Di loke nos sa, MetaCorp tin un bunita plan riba mesa, pa crea un waterfront unico pa Aruba, entre e complehonan cu nan tin caba ey banda.

E interes pa BC, lo no forma parti di e reunionnan cu Gayco y MetaCorp lo tin proximamente, ya cu siman pasa e reunion no por a sigui, pasobra Julio Marcoli di Gayco no por a bin Aruba y a pospone e encuentro aki e dianan benidero.

## Tin un falta di interes di nos propio Arubianonan pa yuda busca un Arubiano perdi

**TA** un berguensa nacional pa Aruba ora bo wak cu for di Merca un grupo ta bin e isla chikito aki, busca un di nos hendenan, pero nan no ta haya cooperacion den nan esfuerzonan di nos cu ta yama nos mes Arubiano.

Dia cu un Mericano tabata perdi, si tur esfuerso a wordo haci, casi full Aruba a haya hasta un dia liber pa bai busca, pasobra sino e lo a afecta e pilar principal di nos economia, cu ta turismo. Eynan boso por wak cu placa ta bal mas cu un bida

di hende.

Den e caso aki e Arubiano (un di nos), Jose Manuel Vicenzo Tromp, kende ta perdi no tin influencia riba nos entrada dus nos no ta yuda den su buskeda. Loke ta hopi di lamenta. Diabi-erne ultimo, e famia a haci un apelacion riba comunidad pa uni banda di Club Estrella pa cuminsa cu un buskeda, pero masha, masha poco hende a acudi. Kico por t'e motibo p'e falta di interes pa nos yuda den busca un yiu di tera, no ta conoci, pero sigur e ta keda un

hecho lamentable.

AWEMainta por a tende e.o. como comentario, cu tin hende ta traha, otro no por pa x-motibo no tabata por, pero foei. Sin conta mes riba Gobierno di Aruba cu no ta haciendo nada pa busca no solamente un Arubiano perdi, pero e mucha homber aki ta un ambtenaar. Tur loke nos por bisa ta, cu mas bien ta bai n'e famia di Jose Manuel Vicenzo Tromp, hopi forsa den e momentonan dificil aki.

## Polis a haya 3 hoben mas nan cacho tabata droga den auto



**DIASABRA** madrugada, despues di 4 or, un patrulla policial ta topa cu un auto na altura di Brenchie's den Wilhelminastraat y ta para esaki. Ora cu nan a baha e glas, un holor fuerte di marihuana a "dal" polis. Den e auto tabatin 3 hoben, kendenan tur tabata hopi halto y un cacho, cu tambe a marea dor di e huma di marihuana den e auto.

Haciendo un control, e documentonan di e auto no ta na ordu, pa cual a dicidi di hiba e auto Warda di Polis, mientras cu ningun di e hobennan aki tin rijbewijs tampoco, pasobra tur ta menor di edad.

Haciendo un chequeo den e auto, polis a bin haya tambe poco yerba di mas marihuana.

**NEW ADVENTURE DOUBLE WHOPPER®**

**Blackened Cajun Mayo, Crispy Bacon, Pepper Jack Cheese\***

\* Processed pasteurized Pepper Jack Cheese

Indiana Jones™ and the Kingdom of the Crystal Skull™  
TM & © 2008 Lucasfilm, Ltd. All rights reserved. Used under authorization.

**ORANJESTAD - SAN NICOLAS  
BUS TERMINAL ORANJESTAD**

**HAVE IT YOUR WAY!**





## Velocidad halto, causa di accidente na altura di Amsterdam Manor



**POLIS** ta ser manda p'e cruzada poco panort di Amsterdam Manor, riba Juancho Enrique Irausquin Blvd, pa un accidente cu a tuma lugar. Esaki tabata pa algo pasa di 4 or di madrugada, unda un auto, cu tabata core cu un velocidad halto, a baha caminda, ranca un borchí di trafico, mas un di e poco pal'i coconan cu a keda riba e boulevard ey. Den e auto tabatin 4 dama turista, cu excepcion di uno, tur a haya sla, e.o. corta na frenta, na man. E mucha muher cu mas sla a haya, t'e pasahero sinta patras. E V-Wagen a haya basta sla. Esnan cu a keda herida a ser hiba pa Hospital pa tratamiento.

## Dama perdi a ser haya



**T'ASINA** cu e muher aki, a bin Aruba pa traha den un bar. Unabes cu el a pisa tera na Aruba, for di Aeropuertomes, el a desaparece, dunando indicacion cu aki na Aruba, lo tin un "payo" tabata ward'e, pa

haci'e di dje.

Alarma a ser bati dor di esun cu a trece e muher aki pa traha den su bar, pa polis busk'e.

A dura algun dia, pero den fin di siman, polis a bin haya e

muher aki, y awor e ta den man di husticia.

Si e ta bai traha ainda n'e bar, no ta conoci, pero nos no ta kere, ya cu no por confi'e mas pa laga liber. Como tal e ta pendiente su deportacion.

## Tin hende cu no por mira Aruba bunita



**ULTIMO** dianan, doñonan di e.o. restaurant den Wilhelmina y Havenstraat ta trata di dorna dilanti di nan establecimiento

cu p.e. bloempot. Pero tin algun persona cu no ta stima e isla aki, ta haya ta bon pa kibra esakinan y laga e pochinan di mata kibra

dilanti di e negoshinan. Bo ta kere cu e doño tin gana pa bolbe drecha esaki, p'e baldadinan bolbe kibr'e.



# Supermercadonan Chinees no ta acepta proposicion di Gobierno pa agrega solamente 15% di ganashi

**DIASABRA** ultimo, e doñonan Chinees di e supermercadonan grandi na Aruba a reuni pa analisa y dicidi riba un carta cu nan a haya di Ministerio di Asuntonan Economico, cu a

propone p'e supermercadonan no aumenta prijs di nan productonan, cu sigur ta toca e canasta familiar, manera e.o. carni, gallina, pisca, beleg, keeshi, lechi y mucho mas, mas cu 15%.

E proposicion aki a cai den mal tera, pasobra de facto Gobierno ta mete den comercio liber y aki Gobierno kier mishi cu nan decision, cuanto ganashi nan mag di haci.

E forma cu esaki a tuma lugar, ta ser mira como un dictadura, cu ta pone hopi di nan pensa cu e forma di practica aki bo ta haya na Cuba y recientemente tambe na Venezuela. Si Gobi-

erno kier introduci atrobe un control di prijs ta su derecho y tambe por na bai stipula prijs maximo cu e productonan controla por ser bendi, pero sigur nan no ta acepta pa nan por haci un ganashi di unicamente 15%, pasobra esey no ta cubri nan gastonan.

Pero si e Chineesnan en particular no por acepta pa Gobierno stipula kico nan ganashinan mester ta, manera proponi pa solamente 15%. Maske cu Chineesnan no ta hendenan cu ta gusta crea polemica y sigur no kier problema cu Gobierno, ta evaluando di manda un carta pa Gobierno y eventualmente pidi un reunion pa splica pakico no por bai di acuerdo cu e proposicion di Ministerio di Asuntonan Economico.

Maske tin un otro grupo di e comerciantenan Chinees, cu kier manda un carta pa Minister Nilo Swaen, rechazando su proposicion y si Gobierno kier "imponer" su decision, lo duna Gobierno 2 siman pa reconsidera, de lo contrario lo sera nan negoshi, como forma di protesta pa algun dia. E lo yega asina leu, ta depende di Gobierno mes.

## My Charming Terios...



- ❖ 1.5 litre engine
- ❖ Automatic transmission
- ❖ FM / AM Radio CD
- ❖ Air conditioning
- ❖ Power windows
- ❖ Central door locking
- ❖ Height adjustable steering column
- ❖ Height adjustable seat



**DANKI PA YAMA**



E celular aki ta dibo si bo tip conduci na un articulo exclusivo

HOTLINE  
**733-8477**

**Digicel**

Spera Mas. Hanja Mas.

Sabana Blanco 35  
Tel: 583-9800  
Fax: 583-9660

**ARUCAR**  
AUTOMOTIVES

**DAIHATSU**

**AWEMainta**  
e corant di Aruba



# Un cambio den historia di enfermeria na Aruba

SI den e mundo di enfermeria na Aruba e dunadonan di cuida no realisa cu nan tin un lugar den e organisacion di enfermeria, anto e cambio pa crea un organo cu ta e vos den enfermeria lo no bin. Nos no por keda wak patras sin dicidi kico lo haci den futuro. Como profesionalnan den cuida di salud primario nos mester reflexiona

y auto-evalua nos posicion ante nos profesion. E tempo di critica pa critica, keda sin participa y laga otro haci'e pa bo a pasa. Si den pasado a lucha pa pone Aruba riba mapa internacional dor di afilia na organisacionnan prominente manera International Council of Nurses y Caribbean Nurses Organization, awe no por para keto!

ODEA mester di miembronan dinamico, cu vision, determina pa trece cambio den e historia di enfermeria na Aruba. Ya caba por a tuma nota con e contacto cu dokternan ta conoce poco poco un cambio ora ta trata e profesion di enfermeria y ehecutacion di esaki. Dokternan ta observa mas y mas cu e comportamiento di enfermeria y

dunadonan di cuida ta basa riba confianza y disciplina.

Gobierno den representacion di e ministro di salud publico ta dispuesto pa sostene ODEA den su afan pa trece cambio den e historia di enfermeria na Aruba. Awor ta keda na e profesional, e trahado den enfermeria mes pa duna contenido na su profesion. Cambio no ta facil, pero si posi-

bel. Cambio ta nifica progreso, desaroyo, mehoracion, participacion y compromiso.

Ban demostra cu na Aruba nos tin e capacidad intelectual, e asertivismo, e vision y boluntad pa mehora e nivel di enfermeria y cuida di salud primario. Un biaha mas nos ta enfatisa cu ODEA no ta un club, ni tampoco un organisacion social, pero ODEA ta mas bien un organizacion di profesionalnan cu ta bin hunto pa intercambia di idea y logra conhuntamente cambio-nan evidente den e calidad di servicio cu ta duna e paciente. Laga awe ta e dia cu abo ta duna un paso den direccion di cambio den e historia di enfermeria na Aruba. Busca e formulario y bira miembro di ODEA.



## Ricibi 2% di descuento

E team dinamico di RBTT Bank na bo servicio!

## TOP AUTO MART 2008

Juni 1, Drive Inn, 10:00 a.m. - 4:00 p.m.

Na Top Auto Mart RBTT Bank ta ofrece

- 2% di descuento \*
- Financiamiento den 6 año
- 1 Credit Card di USD 1,000.- \*\*

Pasa libremente na tent di RBTT Bank.

\* Interes efectivo di prestamo pa auto di 14%

\*\* Cu aprobacion di bo prestamo

### Prestamo pa auto nobo

Suma	5 año	6 año
25,000	581.71	515.14
35,000	814.39	721.20
45,000	1,047.07	927.26
50,000	1,163.41	1,030.29

Sumanan den Florin Arubiano (AWG)

**RBTT BANK**  
BO CAMINDA PA FUTURO

ITALIËSTRAAT 36, ORANJESTAD • L.G. SMITH BOULEVARD 66, ORANJESTAD • CAYA G.F. (BETICO) CROES 89, ORANJESTAD  
PALM BEACH 5-A, NOORD • B V/D VEEN ZEPPENFELDSTRAAT 52, SAN NICOLAS  
SERVICE LINE: 588-0101 • OFFICES: 523-3100 • FAX: 582-1756 • E-MAIL: INFO@TT.RBTT.COM • WWW.RBTT.COM

Centro di Bario Playa Pabao ta organisa

## Tata hoben..... Bo ta cla pé?

**DIRECTIVA** di Centro di Bario Playa Pabao y sra Mi-reilla Tromp stagiere di EPI ta organisa un charla educativo tocante tata hoben. E meta di e charla aki ta pa duna futuro tatanan informacion di e responsabilidad di un tata. Sra Janine Rodriquez cu ta Trahadador Bienestar Social na Departamento di Asuntonan Social lo ta presente pa duna informacion. E anochi di informacion aki no ta solamente pa e hoben masculino pero tambe pa e hoben femenina y mayornan. Sra Janine Rodriquez lo bai den extenso kico ser tata ta nifica y con pa guia e hoben ora di tuma e decision di kier bira tata. Pues diamars dia 27 di mei nos lo topa pa 7'or pm na Centro di Bario Playa Pabao pa e charla educativo aki. Pues Tata hoben ...Bo ta kere bo ta cla pé?



Andin Bikker por a compronde cu

# Problema entre gobierno y Procurador General ta cu Rudy Croes no kier pe gana mas cune

ANDIN Bikker comentando riba e situacion entre gobierno y Procurador General a duna

di conoce cu como Democracia Real nan ta hopi preocupa cu e impase cu tin entre gobierno y

Procurador General pa loke ta trata su salario. Mirando cu e lo por tin un efecto riba nos estado

di derecho den su totalidad, Bikker a dicidi di tuma contacto cu algun representante di



Ministerio Publico pa haya nan banda di medaya.

Loke lider di PDR a bin compronde ta cu awor Ministerio Publico ta draai basicamente riba 2/3 parti so. Nan tin lugar pa alrededor di 6 officier van justitie, lugar pa Procurador General cu mester wordo remplaza, pero debi na e impase cu tin awor aki, tin 4 officier van justitie so ta trahando y e Procurador General ta den un impase cu gobierno.

E por a compronde tambe cu a bin un procedura pa busca 2 officier van justitie nobo (entre nan un yiu di tera cu a solicita), pero e problema cu a surgi ta cu gobierno kier paganan menos cu loke e officier van justitie cu ta trahando caba ta ganando. Esey a trese un problema basta grandi cune y e unico motibo cu Minister di Husticia aparentemente ta usando ta cu e no kier pa dado momento un Procurador General of un officier van Justitie bai gana mas cune.

PDR ta hopi preocupa cu e desaroyo aki, pasobra ya caba Ministerio Publico ta bou hopi presion caminda tin un percepcion no mucho bon di nan pafor y si esey por wordo drecha dor di yena e lugarnan cu ta habri na e salario cu a wordo acorda den un rapport Hartkamp, sigur PDR lo aplaudi esey.

Andin Bikker a haci un apelacion riba gobierno di Aruba pa resolve e problema aki mas pronto cu ta posibel y no bin ta sigui un impase a base di argumento fofo cu cierto persona den un ocupacion asina no por bai gana mas cu un minister.

Ultimate Automobiles hunto cu Balashi den 'E tapadera ta jamabo #2'!

...b'a scohe  
**Bo color caba?**

Ademas di por **GANA** e fabuloso Suzuki SX4 cu e color di bo soño...

Pasa Ultimate Automobiles lo mas pronto posibel pa wak con bo ta participa pa bai cu **Afl. 500** di gasoline!

**SX4 SEDAN**  
Di bo e ta!

Sabana Blanco 35  
Tel: 583-9800  
Fax: 583-9660

**ULTIMATE**  
AUTOMOBILES

**SUZUKI**



Hector Kolfin:

# Innovacion den enseñansa a trese hopi cosnan bon, pero tambe tin problemanan cu mester haya solucion

**RECTOR** di Colegio Arubano, Hector Kolfin ta comenta cu 4 aña pasa a inicia cu e proceso di innovacion cual a trese hopi cosnan bon, a trese un adelanto den enseñansa. Pero, e tin su complicacionnan y problemanan cu mester wordo soluciona

pa por sigui bai dilanti.

Si wak experiencia na otro pais, manera p.e. Hulanda, ta cada tanto aña ta bin un otro ola di innovacion y constantemente nan ta keda cambia, pasobra no tin nada mas traicionero cu pega soño den enseñansa.

Mirando cu Aruba a keda pega varios aña, esaki a trese problemanan structural cu un innovacion no ta soluciona asina facil, y lo mester hinca bastante mas energia aden pa soluciona esakinan, cual sigur ta un 15 pa 20 aña bieu.

Segun Kolfin ta indica, no por kere cu pasobra a cambia e sistema a cambia hende tambe, cu hende no a cambia ainda y cu ta poco poco ta cambianan. Igualmente e mayornan tambe ta cambia poco poco como tambe e studentenan.

E ta sigui bisa cu e sistema di educacion nobo ta existi hopi zelfstandigheid di e hoben, ta rekeri mayornan cu tin recursonan bastante amplio pa yuda e hoben. E hoben mester tin disposicion na cas di un computer, internet...pero dor di esey tambe mester tin hopi supervision, no por ofrece uso di esakinan si no ta ofrece esaki.

Lamentablemente scolnan no ta ekipa cu salanan di estudio pa laga e hobennan keda despues di scol pa studia, ademas tampoco tin e personal pa ofrece supervision despues di scol pa wak e hobennan despues di les.

Rector di Colegio Arubano ta indica cu e ta sinti cu di un banda ta ofrece enseñansa innova, structuranan nobo, pero no ta ofrece e facilidadnan, e randvoorwaarden pa por cumpli cu esey.

Colegio Arubano ta gradici cu bastante material a wordo duna den ultimo añanan, a bin localnan pa NNT, material di practica, material pa CKV, material pa LO, a haya computernan nobo, etc Si e ta bisa cu falta hopi mas, pero ta compronde cu no por haci tur cos den un solo biaha.

Di otro banda e ta bisa cu loke ta mas importante na e momentonan aki ta personeelsruimte, esta formacion, miembro di personal pa haci cierto trabou. Esaki no ta solamente docente, tin mester di hende pa begeleid e hobennan riba terenonan di traha cu computer, mester di systeembeheerders, mester di mediatecaris, pa beheer un mediatheek, mester di hendenan pa yuda e hobennan busca informacion, etc.

Hector Kolfin ta indica cu por

busca docentenan pa realiza e trabounan aki, pero e ora mester atende tambe cu e parti financiero, esta e placa cu lo mester paganan pa haci e trabou aki.

Mas aleu e ta bisa cu un problema cu ta surgi, cual ta uno hopi grandi, ta cu mas y mas enseñansa, formacion di hobennan ta rekeri inzet di hendenan. E hendenan ey tin cu wordo prepara pa esey, y esaki no ta pasa lo suficiente.

A prepara docentenan pa duna les, a prepara docentenan pa duna guia na scol di e proceso di enseñansa, pero no tin suficiente preparacion pa docentenan riba e nivel halto aki pa duna guia pa loke ta pasa pafor y despues di scol.

Papiando riba nivel personal, Hector Kolfin a bisa cu e ta un di e personanan cu ta na fabor pa vang op mas tanto hoben posibel despues di ora di scol na scol mes, cu personal ekipa y entrena profesionalmente pa por yuda e hobennan aki, pasobra "cada hoben cu bo por kita for di caya den e periodo ey, ta un hoben cu bo por scapa".



Post Office Box 2150 • San Nicolas, Aruba • Telephone 011.297.589.4500 • Facsimile 011.297.589.4302

## The Technical Department is pleased to announce open positions for: Associate Process Control Engineer

### Summary:

Designs, implements, and maintains process control applications for refinery process units ranging from basic regulatory controls to advanced process control systems including maintenance of operator-interface graphics and operating system (OS) modifications and upgrades. Applies process control engineering background and experience to recognize deficiencies or potential problems in unit control and recommends new process control system strategies. Reviews P&IDs and participates in PHA reviews to ensure proper design and implementation of control equipment. Respond to call-outs as needed to restore these hardware systems in the event of malfunctioning.

### Responsibilities:

- Provides recommendations for improving refinery operations based on technical information and process data.
- Functions as a process troubleshooter and provides the refinery with forward thinking and technological advancements that will provide a competitive edge.
- Performs process analysis, process improvement, scoping studies, front-end process design work, and/or collaborate on process designs with contractors and consultants.
- Troubleshoots and maintains DCS (TPS-3000 and TDC-2000 Systems).
- Other duties as assigned.
- Exhibit Valero Core Values. Must be able to work in Teams, Commitment to HSE, Communicate Effectively, Show Work Commitment, Respect Others and Act with Integrity.

### Qualifications:

- A Bachelor's degree in Engineering is required.
- Familiarity with the design, installation, and commissioning of DCS systems and IT networking.
- Process control experience and control knowledge of fired heaters, boilers, distillation columns, coker and sulfur plants will be a plus.
- Familiar with Honeywell TPS-3000 systems preferred.
- Candidates with greater qualifications will be considered for a higher level position.

### We offer:

- Attractive starting salary
- Excellent secondary benefits
- Excellent growth opportunity
- Positive working atmosphere

Interested candidates should submit a resume and letter of interest to Valero's Human Resources Office, attention Karen Gordon, by Tuesday, May 27, 2008. Candidates may also email their resume and letter of interest to: Karen.Gordon@valero.com.



HOTLINE  
**733-8477**

**Digicel**  
Spera Mas. Hanja Mas.





## Sindicato di Controlador di Casino (SCCA) ta kedando sin miembro

**TIN** un disgusto grandi bao di un grupo grandi di controladornan di casino cu nan sindicato, esta SCCA, specialmente pa su pacividad. E sindicato aki, SCCA no ta hacienda net nada pa su miembronan, pa cual varios di nan a pidi nan retiro caba y

a pidi afiliacion cu SEPPA.

Durante e accionnan di Sindicatonan di Accion, SCCA a keda banda di TOPA, cu te na luna di october awor lo tin nan caso hudicial, cu di acuerdo cu e controladornan di casino, lo no bin cu nada di loke cu Sindicatonan

den Accion a logra caba.

E preocupacion mas grandi cu hopi di e controladornan di casino ta mira cu ta na bista actualmente, t'e plan di Minister di Husticia, Rudy Croes, cu kier crea un cuerpo nobo di Inspec-

tornan di Casino, y asina ta bay na elimina controladornan di casino. Ya caba tin informacion cu tur esnan cu awe ta controlador di casino, no por cumpli cu e condicionnan cu Minister Rudy Croes tin pa nan pa bira Inspector, loke nifica cu hopi

di nan lo tin cu bay cu retiro, pasobra si nan no por bira Inspector di Casino, anto nan no ta apto tampoco pa bay traha na cualkier otro departamento gubernamental.

Tur esaki ta bin ta tumando lugar, y dirigencianan di SCCA ta keto, no ta fiha posicion, y esaki tin hopi di e controladornan di casino rabia pa cual hopi di nan ta retira for di SCCA y ta afilia na SEPPA p'e sindicato aki bringa pa nan derecho. Den e dianan aki, lo bai tende mas di e desaroyo aki, cu manera nos di AWEmainta a ser informa, SCCA lo keda cu number so, pasobra a lo largo tur miembro ta laga e sindicato aki.

## Homber ta menasa cu arma di candela

**ASISTENCIA** di polis ta wordo pidi diasabra madruga pa 3.10, na Paradise Restaurant pa un pelea. Na yegada polis ta topa cu dos mucha muher, kendenan ta bisa polis e homber R.C. naci na Aruba di 29 aña, a bin n'e sitio y a busca problema.

Tambe nan a musta polis e mucha homber C.L. naci na Hulanda di 24 aña, kende a subi un auto Nissan blanco, y a bai for di e lugar. Polis a sigui su tras, pero a perde na altura di rotondo di Paradera.

Despues di un rato, e homber L.C. a bolbe bek n'e lugar. Segun informacion cu polis a haya cu probablemente C.L. a saca un arma di candela. E mucha muhernan a bisa polis cu R.C. a bin n'e lugar y a busca problema cu su ex amiga.

Un rato despues e homber C.L. a bin bek n'e sitio na pia. Polis a investiga y a topa cu e auto para un tiki mas leu. E number di e auto no tabata cuadra cu e auto.

Polis a listra den e auto, pero no a topa ningun arma di candela. Polis a confisca e auto y a hibe warda di Santa Cruz.

# New Generation COROLLA

 **TOYOTA**



## E t'ey, bin mir'e

**Ta extende oferta di banco  
riba contract di Corolla  
te cu fin di luna!**

### GLi

1800 cc 4 Cyl. 16 vlv. VVT-i  
Gasoline/Fuelinjection  
Airconditioning  
ABS - Alloy wheels  
Keyless entry - Airbags  
Electronic mirrors  
4 wheel disk brakes  
Power windows

### XLi

2000 cc 4 Cyl. 16 vlv.  
Diesel/injection  
Airconditioning  
ABS - Alloy wheels  
Keyless entry - Airbags  
Electronic mirrors  
4 wheel disk brakes  
Power windows

**Cordia**

**Habri Dialuna - Diabierna 8:00 am - 12:00 pm y 1:30 pm - 5:30 pm**

**Diasabra CAR SALES 9:00 am - 1:00 pm**

Camacuri 8 • Oranjestad • Tel. 528-4455 • [www.toyotaaruba.com](http://www.toyotaaruba.com)



# Amigonan a celebra cumpleaños di Tabitha

**RECIENTEMENTE** amigonan a bini hunto pa celebra hunto cu Tabitha di T-ON-T su cumpleaños. E celebracion aki a tuma lugar den Mulligans di Windows on Aruba. A reina un ambiente agradable y e celebracion tabata un exito. E fotonan aki ta papia pa nan mes.







# Super interes...riba bo Super Savings!

RBTT Bank su Super Savings Account ta un cuenta di spar incomparabel. Probecha di un super interes di te cu 4.75% calcula riba bo suma diario! Mas halto e suma, mas halto e interes. Comproba pa bo mes!

Suma den AWG	Interes anual
15,000 - 50,000	4.00%
50,000 - 500,000*	4.75%

Habri bo RBTT Super Savings Account\*\* awe mes y probecha bo tambe di e super interes y ademas ricibi 2,500 Fun Miles.

Pa mas informacion bishita un di nos oficinanan of yama nos RBTT Service Line na 588.01.01.

\* Pa sumanan riba AWG 500,000 RBTT Bank ta ofrece Time Deposit atractivo.  
 \*\* Deposito minimo di AWG 15,000 pa habri e cuenta.

RBTT LIFE CYCLE BANKING



ITALIËSTRAAT 36, ORANJESTAD • L.G. SMITH BOULEVARD 66, ORANJESTAD • CAYA G.F. (BETICO) CROES 89, ORANJESTAD  
 PALM BEACH 5-A, NOORD • B V/D VEEN ZEPPENFELDSTRAAT 52, SAN NICOLAS  
 SERVICE LINE: 588-0101 • OFFICES: 523-3100 • FAX: 582-1756 • E-MAIL: INFO@TT.RBTT.COM • WWW.RBTT.COM



# Antiyas

## Tabatin dos 'explosion verbal' entre Sarah y Emily diahuebs ultimo

**WILLEMSTAD** - No un, pero dos explosion verbal tabatin den e reunion cu a tuma lugar diahuebs pa diabierna madruga siman pasa na Còrsow den World Trade Center ora cu Sarah Wescott Williams a haña cu Presidente di e reunion kier a 'stoomwals' Sint Maarten sin tene cuenta cu nan punto di bista.

Ya kaba e ambiente tabata cargá promé cu e reunion pa via cu Promé Minister Emily de Jongh-Elhage a tilda Sint Maarten di a pone traba den caminda pa yega na conclusionnan concreto den e consultanan politico pa logra status autónomo pe islanan. Sarah Wescott-Williams a declará cu e no ta comprendé ta dicon Gobièrno Central a pone asina traba contra di su isla su posicion riba e conclusion di e reunion.

Ta p'esey Sarah Wescott Williams a declará cu loke a pasa

diahuebs lo no sosodé mas cu su isla, pasobra e trato cu Sint Maarten a haña tabata francamente inhumano.

### PROME CONFRONTACION

E promé confrontacion grandi a sosodé durante e discusionnan riba Corporate Governance.

Segun e reunion tabata progresá, e conseheronan a bisa Sint Maarten cu no tabatin espacio pa nan punto di bista con Sint Maarten ta mira e asunto di Corporate Governance.

Eynan e delegacion di Sint Maarten a informá Promé Minister Emily de Jongh-Elhage y Anke Bijleveld si t'asina cos ta bai no tin sentido pa nan keda den e reunion.

### DI DOS CONFRONTACION

E di dos confrontacion grandi a tuma lugar na final di e reunion den careda di dos'or di diabierna mardugá.

Cierto punto tocante Corpo-

rate Governance y e asunto di Procurador General no tabata claramente defini pa Sint Maarten den e documento final y nan a bisa cu nan no por firma e documento asina.

Despues di masha papiamento y lobymiento a dicidi pa adoptá e sugerencia di Sint Maarten pa loke ta conclusion di e reunion, pero ora cu a presentá y busca aprobacion p'e documento final, Sint Maarten kier a duna comentario.

Sinembargo Presidente di e reunion a bisa nan cu Sint Maarten no por duna comentario den e documento y cu nan mester a firma.

T'eyan Sint Maarten a bisa cu nan no por firma e documento y a cuminsa bandoná e reunion.

Anke Bijleveld a intervení y a bai di acuerdo pa hinca e comentario di Sint Maarten den e documento y evitá cu e reunion cu a dura 15 ora no a

fracasá's.a

### AMBIENTE DI IRITACION

Segun Sarah Wescott-Williams a declará públicamente na Sint Maarten, e ambiente despues di e reunion tabata uno di iritacion entre e delegacionnan.

Esey pa motibo cu na varios ocasion Sarah Wescott-Williams tabatin confrontacion verbal cu otro durante e reunion.

Riba e pregunta si ainda e ta disgustá cu loke a pasa, Sarah Wescott-Williams a declará cu si tin un cos cu hamas Sint Maarten ta permiti ta cu Còrsoy y Emily de Jongh-Elhage ta falta nan respèt.

Pero apesar di tur loke a papia, St. Maarten lo keda respetuoso.

Señora Emily de Jongh-Elhage a reconocé cu e reunion no tabata fácil y cu e reunion tabata un di esnan mas difícil cu e tabatin te ainda.

Sinembargo e ta contento cu a firma e documento final y cu nan mester sigi negociá respetando otro.

Anke Bijleveld tambe a admiti na final cu e tono y ambiente tabata confrontacional, pero cu Hulanda a para duro riba su puntonan indicando cu si no tin acuerdo, esey lo tin consecuencia pe proceso.

Di tur manera mester reflehá riba con cosnan a bai e biaha aki pa den futuro e negociacionnan tuma lugar den un forma decente y respetuoso y al respecto, nan a siña algo di e reunion aki.

**AWE**Mainta****  
e corant di 'toko

Nos e-mail:  
**noticia@awemainta.com**

**Tel: 583-1400**

**Fax: 583-1444**



Valero Aruba Refinery is pleased to announce an open position for:  
**Sr. Reliability Engineer**

### Summary:

Provides reliability technical and engineering services to optimize fixed and rotating equipment life in a safe and effective manner

### Responsibilities

- Service assigned areas of responsibility by providing technical assistance in resolving equipment design, operation, and maintenance problems.
- Assist in formulating, implementing, maintaining and auditing Preventive Maintenance (PM) and Predictive Diagnostic Maintenance (PdM) Programs.
- Assist Operations, Product Control, and Maintenance Department in developing procedures, training, and processes to ensure equipment is operated within its design parameters.
- Advise engineering on new capital designs and installations to ensure that equipment reliability, operability, and maintainability are addressed.
- Develop and review equipment specifications and standards for reliability improvement.
- Develop and track cost justifications for reliability improvement.
- Perform all duties following the safety rules and guidelines established by the Refinery.

### Required Qualifications:

- B.S. Degree in Mechanical Engineering required.
- A minimum of five (5) years experience in a reliability or maintenance engineering group.
- Strong verbal and written communications skills.
- Must be proficient in Microsoft Word and Excel.
- Must have a pro-active attitude towards problem solving.
- Must be able to function in a multidisciplinary team.

Interested candidates should submit a letter of interest with resume to the Human Resources Department not later than May 30, 2008 or email their resume to [Natalie.Christina@valero.com](mailto:Natalie.Christina@valero.com)

## Elmo van Rosberg a fayecé na Hulanda

**WILLEMSTAD** - For di Hulanda nos a ricibi informacion cu e èx miembro di Consejo Insular pa Partido Nacional, Elmo van Rosberg, a fayecé siman pasa na Den Haag na edad di 80 aña.

Elmo van Rosberg tempo cu e tabata biba na Còrsow a traha na S.E.L. Maduro & Sons, mientras cu riba tereno social y deportivo e tabata militá como miembro di directiva di Jong Holland, mientras cu e tabata masha activo como tenista cu su partnernan Charlie de Jongh y otroonan.

Elmo van Rosberg tabata miembro di Consejo Insular den tempo di doktor da Costa Gomez,

Erno de los Santos, Effi Newton, Fè Winklaar, Hendrik Pieters Kwiers y e palancanan bieu di partido Nacional e tempo aya.

Despues el a bai Hulanda caminda el a traha na Cas di Antia algun aña te dia el a baha cu pensioen.

Fo'i dia Elmo van Rosberg a bai Hulanda, semper el a biba den e mesun cas den Truiplaan na Den Haag y ultimo biaha cu e tabata na Còrsow tabata fin di aña pasá pa tuma despedida di su isla. Ya e tempo aya e tabata sufriendo di quebranto di salud y diahuebs ultimo el a fayecé.

Nos condolencia na su viuda Ilse van Rosberg-de Leeuw y na su 4 yiunan.

**AWE**Mainta****  
e corant di 'toko

**Tel: 583-1400 Fax: 583-1444**



Nos **"May Specials"** pa compra cash di Afls. 100,- pariba ta: **20% OFF** ariba "Stanley" Sliding Door Hardware Set, Casters & Wheels, 1 1/2" Sump Pump Discharge Hose Kit, Garden Hose, Shears, Pruners, Folding Saws, Snap Cut, Watering Wands, Hose Hangers, Sprinklers, & Water Meters, "Crosco" ES-2000 Silicone Modified Coating, Cold Process & Lap Cement, All purpose Joint Compound, "Bista Bonita" Alum. Windows, "Alko" Alum. Doors, Aluzinc Roofing Panels, Felt Papers, Heavy Base Sheet Smooth, Roll Roofing, Metal Roof Edges, Ondura & Acrylic, Asbestos Free Corrugated Roofing Panels, Plastic Plafond Schroten, Electric Kitchen & Household Appliances & Comforters.

**BRENCHIE'S** Ostad-Vakota-Ponton-San Nicolas "Na unda abo semper ta #1"

CALL CENTER - 528-4250



Despues di conferensha RTC....

## Hulanda lo duna aporte pa sana Debe Nacional

**WILLEMSTAD** - E noticia cu mas ta domina diabierna ultimo na Corsow ta relaciona cu e deliberacionnan maratonico cu a tuma lugar for di diahuebs mainta den International Trade Center te diabierna 3'or di mardugá, relaciona cu e futuro structura estatal di Antia y e 5 islanan cu te ainda ta forma parti di e entidad aki. Hulanda a yega na un acuerdo cu Corsow y St. Maarten riba e tema di saneamento di debe di e dos islanan aki. Ambos isla a bai di acuerdo cu un supervision bastante estricto riba finansa publico.

E deliberacionnan cu a tuma lugar a dura mucho mas largo cu planeá y a percura pa bastante tension principalmente entre Corsow y Sint Maarten.

Tambe a logra yega na un acuerdo riba tereno hudicial y manencion di un estado di derecho caminda Corsow y Sint Maarten lo haña nan propio Ministerio Publico.

Bonaire, Saba y Sint Eustatius, cu ta bai forma parti di Hulanda como municipionan special, ta haña hunto un Ministerio Publico.

Tur e Ministerionan Publico aki

ta bai cai bao di un Procurador General.

E islanan a duna di conoce cu mester accelera e proceso cu mester conduci finalmente na introduccion di un structura estatal nobo pa Antia caminda Corsow y Sint Maarten ta haña un status autonomo denter di Reino.

E idea original tabata p'e status nobo aki drenta na vigor dia 15 di december di e aña aki, pero durante e deliberacionnan cu a tuma lugar a cai un fecha nobo, esta 1 di januari di aña 2010, pero e islanan ta di opinion cu esaki ta nifica mucho warda.



**POR** mira riba e fotonan aki, e delegacion di Antia, y na otro banda e stulnan bashi, pa delegacion di Aruba, cu mester a atende e reunion aki como observador. Di acuerdo cu nos informenan for di Corsow, Aruba a keda di manda un delegacion di Gobierno, pero ningun hende no a bai.

Apesar di maraton.....

## Promé Minister di Antia ta satisfecho

**WILLEMSTAD** - E reunion riba e futuro structura estatal di e islanan di Antia cu a tuma lugar for di diahuebs te cu diabierna marduga den I.T.C. tabata maratonico y a bai acompaña cu bastante tension. Desarojo di e reunion aki a keda sumamente bon describi pa Minister Presidente Emily de Jongh-Elhage, kende a cuminsa na bisa di ta satisfecho cu resultado di e reunion aki, pero ta un reunion cu e ta desea di lubida mas pronto posibel despues di a yega su cas diabierna marduga despues di 4'or. Esaki no tabatin mester ni tampoco tabata necesario segun Minister President De Jongh-Elhage. Pero di otro un banda mester a sigui dal bai teniendo cuenta cu e situacion cu nos ta den actualmente.

Mester sigui atende e puntonan cu tin pendiente, pero ora ta atende asuntonan di pais politica mester keda un banda aunke cu mayoria hende na mesa ta politico.

E reunion no tabata facil ya cu mester a trata di haña tur hende riba e mesun liña pa logra avanse.

Pero teniendo cuenta cu e resultadonan Minister President de Jongh-Elhage tabatin motibo pa a felicita Gobierno di Antia cu pasamento di e supervision financiero despues di a warda bastante tempo riba esaki.

E medida general di Reino entre tanto ta cla y awor ta bai pasa su bueltanan di consulta y Gobierno di Antia ta spera cu denter di un par di luna Hulanda lo por cuminsa tuma

e encargo di e debenan cu pais Antia y Corsos tin.



HOTLINE  
**733-8477**

**Digicel**  
Spera Mas. Hanja Mas.



## ATCO a exporta santo blanco di Aruba pa Corsow

**DEN** edicion di diasabra 24 di mei 2008 di e corant Amigoe por a tuma nota di un articulo cu ta bisa cu e compania ATCO a exporta santo blanco di Aruba pa Corsow a pesar di e prohibicion di exportacion di esaki.

Por a compronde cu DOW a bende santo blanco na ATCO, pero a compronde cu esaki lo a wordo usa na Aruba mes, ya cu exportacion di santo blanco ta prohibi manera ta stipula den e Landsverordening openbare wateren en stranden.

Pero ta parse cu e santo blanco aki a wordo exporta pa Corsow caminda cu e ta wordo usa pa embece e beach di Renaissance Hotel cu ta den construccion na e momentonan aki y cu ta wordo construi pa Meta Corp, cu ta e compania madre tambe di ATCO.

Segun Amigoe, Jossy Figaroa a informa cu huristanan di DOW hunto cu esnan di Directie Wetgeving en Juridische Zaken ta mirando ki pasonan lo por tuma contra e compania.

E siman aki sigur lo por spera algun reaccion di ATCO of Meta Corp riba e asunto aki.



## Segun AZV: Hulanda tin e mesun problemanan cu Aruba pa loke ta gastonan di salubridad publico

AZV a manda un articulo di Volkskrant di dia 20 di mei 2008 caminda ta papia di un reduccion enorme di prijs di remedinan na Hulanda.

AZV ta bisa cu ta hopi interesante pa wak un pais rico manera Hulanda tin e mesun problema riba area di gastonan di salubridad publico cu Aruba. Den e articulo nan ta muestra kico e seguronan Hulandes ta haci pa baha e prijs di remedi. Ta bon pa laga e aseguradonan di AZV, y specialmente esnan cu ta pagado di prima di AZV, wak cu na Aruba nos tambe ta bezig

den e mesun direccion, segun AZV ta duna di conoce.

E comunicado ta sigui bisa cu Organo Ehecutivo a introduci un 'preferentiebeleid' (maneho di preferencia) a base di un veredicto di huez. E maneho di preferencia ta encera cu AZV ta paga e botica e prijs di e remedi mas economico cu tin na Aruba. Esey kiermen cu ora tin diferente marca di remedi di e mesun tipo, dus mesun ingrediente activo, AZV ta wak cual ta esun mas economico y esey ta e prijs cu ta wordo paga na e botica. E maneho aki, mescos

cu na Hulanda, mester wordo hancra den ley.

Organo Ehecutivo ta traha hopi duro pa realiza mas transparencia den e proceso di e realizacion di e prijs di remedi na Aruba. Si ta asina cu e boticanan ta haya descuento di e fabricanteman of importadornan di remedi e beneficio mester ta bai pa e asegurado, e comunicado di AZV ta conclui.

Den e articulo di Volkskrant por mesa cu e prijs di baste remedinan lo baha enormemente, hasta cu 90% den algun caso entrante 1 di juni. E reduccion

di prijs aki ta e consecuencia di un expansion di e maneho di preferencia den cual ta participa e seguronan medico mas grandi y ta consisti di paga solamente e version mas barata di cierto remedinan.


Esnan na fabor di e maneho aki ta muestra cu lo tin ahoronan grandi riba e costonan di remedi, te hasta 450 miyon Euro pa aña. Tambe ta bisa cu e presion riba e primanan di seguro medico lo baha y ta beneficia e pacient, pasobra e eigen risico obligatorio cu nan mester paga (150 Euro pa aña) lo caba menos liher cu e remedinan mas barata.

Mientras tanto e organizacion di boticanan (KNMP) a muestra di ta contra di e maneho aki ya cu nan tin miedo di perde parti di nan entrada. Pa añanan caba nan ta hayando descuento y bonus di e fabricantenan di medicina, pero awor cu di

vario medionan solamente por entrega uno, nan lo perde parti di e descuentonan y no lo tin mada mas pa negocia cu e fabricantenan.

Segun KNMP pa botica lo tin un perdida di 160 mil Euro debi na e maneho aki y pesey nan kier pa aumenta e compensacion pa receta di 6 Euro pa 8,25.

Manera tur maneho nobo, tin hendenan na fabor y tin hendenan contra, lo tabon pa mira con Hulanda lo atende cu e maneho nobo aki y wak si enberdad lo tin beneficienan pa e asegurado manera nan ta premira. Mester bisa si cu e diferencia na Aruba ta cu tin un gran cantidad di remedi cu no ta den e lista positivo di AZV, es decir no ta wordo cubri y e costo aki ta cai un bes mas, manera a bira custumber na Aruba, riba nos hendenan cu mester wak di unda nan ta lanta e placa pa cubri e gasto di e remedi!



**PARTICIPA NA NOS CONCURSO  
“CAMPEON DEN COMUNICACION”  
Dia: 1 di september 2008 na Cas di Cultura  
Ora : 7.00 p.m. – 11.00 p.m.**

Cu un show spectacular pa celebra AMTI su 10 aña di existencia cu artistanan local.

#### REGLA NAN DI PARTICIPACION

- ❖ Participante mester tin 21 aña of mas;
- ❖ Participante por scohe un topico y comunica esaki na AMTI pa por evalua e nivel di e presentacion y topico di e presentacion.
- ❖ Un CV actualisa;
- ❖ Un nivel intermedio di educacion;
- ❖ Tin cierto experiencia den “Public Speaking”;
- ❖ Participante mester presenta den un pre-seleccion;
- ❖ Idioma, nos dushi Papiamentu of Ingles;
- ❖ Consehabel pa participa na un di nos cursonan di “Comunicacion” of “Presentation Skills”;
- ❖ Final 1 Sept 2008 ta saca e “Campeon den Comunicacion”.

Durante pre-seleccion lo evalua tur candidato y nan topico a base di :

- Con bo ta presenta bo mes, splicacion pakiko bo ta pensa cu bo lo cualifica, comunica bo topico.

**PREMIO:** 2 ticket ida y buelta pa KORSOW, cu TIARA AIR y estadia “all inclusive” na BREEZES SUPER CLUBS

**Deadline pa inscripcion: 20 di juni 2008 - Pre-seleccion: prome cu 1 di juli 2008**

Pa mas informacion telefon: 588-0833 of manda un e-mail na [arubamanagement@amti.org](mailto:arubamanagement@amti.org) of bishita nos Website: [www.amti.org](http://www.amti.org)



## Homber Mericano turista ta fayece despues di a bai snorkel



**POLIS** ta haya informacion diasabra atardi pa 6.30 cu un turista lo ta perdi den laman na Baby Beach. Polis a bai y a topa cu e señora, kende ta bisa polis cu su casa a bai snorkel y no a bolbe.

Polis a drenta den contacto cu SARFA, IASA, Kustwacht y helicopter tambe Korpschef y Fiscal cu a bai n'e sitio.

Banda di 7'or polis a haya informacion cu e homber lo ta riba Rif. Polis a bai buske mesora y a transporte pa poli pa tratamento.

Na Centro Medico, dokter de Kort a constata morto 7.45 di anochi di Kevin Conway naci na Estados Unidos dia 11 di november 1956. El a bai hunto cu su casa y su 4 yiunan. E tabata hospedando na Marriott Hotel.

Tin tur indicacion cu e lo a sufri di un atake di curazon cu a causa su morto. Paz na su restonan.



Diabierne ultimo

# Mercado Ochoa ta keda para riba cu e ta negosha den palo y no den droga



**DIABIerna** mainta despues cu Huez a dicta sentencia den e caso di Mercado Ochoa contra

Ministerio Publico, relaciona cu e scuchamento di combersacionnan den su pickup, unda Huez a dicta sentencia na favor di Ministerio Publico, Huez a trata e documento Lopie. E documento Lopie tin relacion cu tratamento di L E Mansur, J.A.Cid, sra. Rasmijn, M. R. Leito y tambe R.A. Bello Martinez.

Nan tur a forma parti di un organizaci3n criminal, cu entre 1 di mei 2005 y 24 di september 2007 tabata trafico cu droga.

Den e documentonan a sali na cla cu Mansur ta tene su mes bezig cu traficacion di droga y su man drechi ta Mercado Ochoa y tambe Cid. Tur a tuma parti na loke e dossier ta describi como un organizaci3n criminal.

Seg3n Huez ta bisa cu tin mas nomber cu ta entre e hendenan cu ta traha p’e organizaci3n. Mercado Ochoa y su casa ta bisa cu nan ta traha den negoshi di palo. Na prome instante Mercado Ochoa a tuma e derecho

di no contesta e preguntanan, como cu seg3n su declaracion nan ta bira su palabranan. Mirando cu e acusadonan ta for di tempran na Corte, y no por a desayuna, Huez a schors e caso pa un ora.

Durante e tempo ei, abogado di Ochoa tambe a haya un chens p’e papia cu su cliente y a parce cu el a recomende p’e contesta e preguntanan di Huez. Despues cu Huez a reanuda e caso, Ochoa den su declaracion na Huez ta bisa cu e ta negociante y ta busca palo y fruta y tambe otro articulonan for di Venezuela pa Aruba. Tambe seg3n su declaracion e ta busca articulonan pa personanan cu nan nomber no ta aparece riba e documentonan di Douane. Mercado Ochoa ta bisa Huez cu pa cada biaha cu e tuma un cargamento di palo, e ta suma mas o menos 75 mil florin. Huez a bise cu polis a haci un calculacion mas abao.

Ochoa ta bisa cu ora cu e haya placa e ta duna su casa. E casa tabata laga cambia e placa, manera ya a bini dilanti den caso di e Hindunan cu ta cambia dollar pa florin cerca sra. Ochoa Rasmijn. Mercado Ochoa ta bisa Huez e ta kere cu e no ta comete ningun delito si e duna su casa placa. Huez a bise cu seg3n e pv, el a cumpra tereno y tambe dos cas. Riba esaki el a bisa cu e tereno cu nan a haya ta un herencia cu nan a haya for di 1999. Sra. Rasmijn a splica Huez cu nan cada un ruman a haya un pida tereno cerca nan tata, cu ta mas omenos 700 meter cuadra y notario a bisa nan cu nan mester pone un suma ficticio. Mercado Ochoa ta sigui bisa Huez cu e tabata trahando na Marriott y despues for di 2002 e tin negoshi di palo. Huez a

bise cu seg3n e documentonan el a gana 1 miyon 40 mil florin. Riba esei Mercado Ochoa a bisa Huez: “Lo mi ta na Colombia caba”. E documentonan ta bisa cu Bello Martinez a wordo contrata pa hiba e placa Colombia. Bello Martinez ta bisa cu placa cu el a manda Colombia tabata placa pa su casa y su tata. E ta bisa cu e ta manda e placa via di Moneygram. Seg3n e documentonan el a manda 3 mil florin pa 3 persona. E ta bisa cu cada 15 dia e ta manda placa pa su casa y su tata y ta suma 600 florin. Riba e pregunta si e conoce e homber Gustavo Urales, pa kende e ta manda e placa, el a bisa cu esey ta un primo di su casa kende ta bisa den ciudad y ta hiba e placa pa su casa den pueblo. Huez a bisa Bello Martinez cu den su declaracion el a bisa cu Mercado Ochoa ta den droga. El a bisa Huez cu ya el a duna declaracion di esey caba. El a bisa cu como cu e Recherchenan a bise cu Mercado Ochoa tin algo cu su casa el a haya rabia y a declara contra dje. Huez ta bise cu e rabia a wordo poni den hecho riba e combersacionnan getap y e rabia a dura basta tempo. Otro declaracion di Bello Martinez ta riba transportaci3n di droga naunda e nomber di Leito ta wordo menciona. Martinez ta bisa cu e no conoce Leito. E ta bisa cu Leito a bai dos biaha cumpra palo. Huez a bis’e cu seg3n e documentonan den su declaracion el a bisa cu Leito ta tuma droga for di Ochoa. Martinez a bisa cu el a declara cu e ta cumpra palo y no droga. Ora cu Huez a bise cu el a firma e declaracionnan, el a bisa cu e ta Colombiano y no ta compromde Papiamento.



De Sociale Verzekeringsbank (SVb) is belast met het beheer van een 5-tal fondsen en een 2-tal schommelfondsen in het kader van de sociale zekerheid op Aruba. In die hoedanigheid heeft de SVb rond de 49.000 klanten. Teneinde onze klanten optimale dienstverlening te kunnen bieden heeft de SVb rond de 100 werknemers in dienst. Momenteel heeft de SVb een vacature voor een:

## Communicatie-medewerker m/v

### Plaats in de organisatie

De communicatie-medewerker ressorteert onder het hoofd van de afdeling Human Resources.

### Functie beschrijving

De communicatie-medewerker is verantwoordelijk voor de uitvoering van de communicatieactiviteiten en adviseert bij het bepalen van de communicatiestrategie.

Tot de voornaamste taken zullen behoren:

### Voorlichting

- Het ontwikkelen en actualiseren van voorlichtingsmaterialen;
- Het zelfstandig co3rdineren van in- en externe voorlichting;
- Het signaleren van geluiden, gevoelens en bevindingen zowel intern als extern van wat er leeft onder het personeel als binnen onze klantenkring en de gemeenschap.

### Opzetten van activiteiten

- Het organiseren van activiteiten die de kennis van onze klanten over de dienstverlening van de SVb vergroot.

### Uitvoering van communicatiewerkzaamheden

- Het ondersteunen van de directie bij de noodzakelijke communicatieactiviteiten;
- Het schrijven en redigeren van teksten en begeleiden van de drukwerkproductie;
- Het actueel houden van de website;
- Het organiseren en begeleiden van evenementen.

### Functie-eisen

- U beschikt over een HBO werk en denkniveau met een opleiding op het gebied van Communicatie;
- U bent dienstverlenend en beschikt over tact, improvisatievermogen en een flexibele instelling;
- U beschikt over een goede kennis van de meest gebruikte Office softwarepakketten;
- U beheerst het Nederlands, Engels, Papiamento.

### Bezoldiging

De bezoldiging is afhankelijk van uw opleiding en ervaring. De SVb biedt een aantrekkelijk arbeidsvoorwaardenpakket waaronder een uitstekende pensioenregeling en de mogelijkheid tot het volgen van vakgerichte cursussen.

Indien u voldoet aan de vereisten wordt u uitgenodigd uw sollicitatie met bijbehorende curriculum vitae binnen twee weken na het verschijnen van deze advertentie te richten aan:

De Directeur Sociale Verzekeringsbank  
Dhr. ir. Edwin M. Jacobs, Caya Punta Brabo 19, Oranjestad, Aruba.

Voor meer informatie over de functie-inhoud kunt u contact opnemen met dhr. Howard Webb van de afdeling Human Resources (297-5272700).



# Internacional

## FARC: 'Tirofijo' ta morto FARC a confirma morto di Manuel Marulanda, alias 'Tirofijo'.



DEN un video, Timoleon Jiménez, alias 'Timochenko', ta confirma cu e maximo líder di FARC, Manuel Marulanda, a muri di un atake di curason, dia

26 di maart ultimo.

'Timochenko' a afirma cu e'la muri den braza di su compañera, Sandra, y rondona pa su

guardia personal. "Nos a rinditur e honornan cu e merece como lider", Tomichenko ta bisa den e video, cu a worde transmiti pa e cadena Telesur.

## Alfonso Cano, lider nobo di FARC



Alfonso Cano (r)

## Cansa di Busca?



**MANCHITO'S**

**No busca leu..**

**Bishita nos pa  
escoge e mihor  
flus, dashi,  
camisa, carson  
y mucho mas**

**Awor cu**

**MERCANCIA  
NOBO!**

**Situa na Avenida Milo Croes 71 • Tel 5822303  
Habri di Dialuna pa Diasabra 9am-6pm**

"**ALFONSO Cano**", cu realmente yama Guillermo León Sáenz, un antropologo, ta probablemente e hefe maximo nobo di FARC, segun fuentenan militar colombiano. Un comunicado di Ministerio di Defensa, cu a confirma morto di Pedro Antonio Marín, alias "Manuel Marulanda" of "Tirofijo", dia 26 di maart ultimo bao circunstancianan cu ainda mester worde confirma, a señala cu e gueriya a designa "Alfonso Cano" como sucesor. E morto di "Tirofijo", como tambe esun di e vocero oficial y number dos di FARC, "**Raúl Reyes**" alias di Luis Edgar Devia, a impulsa e "promocion" di "Cano". Segun analistanan, "Cano", cu 31 año di militancia den FARC, ta worde considera un di e ideologonan di e organizacion arma. E'la uni su mes na e gueriya campesino ey desde Bogotá. Sáenz of "Cano" a nace dia 22 di juli 1948 na Bogotá, e'la studia atropología na Universidad Nacional di e capital colombiano y actualmente ta hefe politico di Bloque Occidental y miembro di Secretariado di FARC. Prome di drenta filanan di gueriya, e tabata pertence na Partido Comunista Colombiano (PCC) y tabata "comisario político" di e partido. Desde el 2000, e ta responsabel pa 'Movimiento Bolivariano de la Nueva Colombia', un proyecto politico di e principal gueriya colombiano. "Alfonso Cano", cu barba y bril, tin 47 orden di captura y un "circulo cora" di Organizacion Internacional di Polis Criminal (Interpol) cu acusacionnan di rebelion, terrorismo, homicidio y secuestro. E'la representa FARC den e dialogonan fracasa cu e Gobierno di president César Gaviria (1990-94) na Caracas y na e localidad mexicano Tlaxcala, na 1991 y 1992. Otro hefenan di FARC den e linea di mando ta: Luciano Marín Arango, alias "Iván Márquez"; Jorge Briceño Suárez, alias "Mono Jojoy"; Rodrigo León Londoño of "Timochenko"; y Milton de Jesús Toncel Redondo, conoci como "Joaquín Gómez".



# Muchanan di e secta poligama ta bolbe cu nan mayornan



**AUTORIDADNAN** di bienestar infantil diabierna ultimo a apela e fayó di un corte den sentido cu e retiro di mas di 440 menor di edad di e hacienda di un secta poligama, tabata in-hustifica, pero tambe a accede pa 12 di e muchanan reuni cu nan mayornan, mientras Corte Supremo di e estado dicta fayó riba custodia di e menornan. Teresa Kelly, vocero di e abogado di e mayornan, a bisa cu departamento di Servicio di Proteccion Infantil (CPS na

ingles) a accede diabierna pa e progenitornan biba cu nan muchanan den e area di San Antonio, bao supervision estatal.

Un tribunal di apelacion a determina diahuebs cu CPS no mester a tene mas di 440 mucha den un finca maneha pa Iglesia Fundamentalista di Hesucristo di e Santonan di e Ultimo Dia-anan. Estado a apela e fayó aki diabierna, na Corte Supremo di Texas.

CPS a informa cu e'la pone e

muchanan bao cuido di mayornan guardian, pasobra e secta ta presiona e mucha muhernan pa contrae matrimonio siendo menor di edad y pa nan tin relacion sexual, mientras cu e mucha hombernan ta worde siña pa comete abuso.

Aparte di mamanan cu ta cu nan baby cu ta bao cuido di estado, ningun otro familiar di e hacienda na Texas a haya permiso pa keda cu nan yiunan.

CPS a bisa den su apelacion na Tribunal Superior di Texas cu

corte di apelacion tabata kiboca ora nan a bisa cu e gran mayoria di e muchanan di e hacienda no tabata enfrenta e tipo di peliger extremo cu ley estatal ta exige, pa nan por a worde saca sin orden di un corte.

Servicio di proteccion infantil a cita un prueba cu segun e agencia a mostra cu e iglesia tabata presiona e adolescentenan pa ta parti di matrimonionan spiritual cu hombernan adulto.

"E caso aki ta riba hombernan

adulto cu ta impone relacion sexual na menornan di edad; riba muhernan cu deliberadamente ta permiti abuso sexual di menornan di edad; riba e necesidad pa e departamento tuma medida bao circunstancianan difícil, sensibel, sin precedente", e agencia a argumenta den su apelación.

Estado a pidi pa mantene e muchanan bao cuido guardian mientras e caso ta worde revisa.

## Contacto di FARC na México a bishita Morett na Quito



Lucía Morett

UN persona masculino identifica como Dagoberto Díaz, presuntamente vincula cu FARC, ta figura den e lista di personanan cu a bishita e mexicana Lucía Morett den un hospital di Quito. Manera ta conoci Morett ta sobreviviente di e bombardeo colombiano riba un campamento di FARC na Ecuador. Asina prensa a informa ayera. Segun e corant El Comercio, "dos persona vincula cu FARC a bishita Morett, den hospital militar di Quito, tres dia prome cu esaki a declara dilanti fiscal". Un di nan ta Gabriela Mejía, cu ta e principal di 'Coordinadora Bolivariana', capitulo Mexico, y e otro, Dagoberto Díaz, e corant a señala, pero no a duna nacio-

nalidad di e bishitante.

Prensa di México a menciona recientemente cu un persona di nomber Mario Dagoberto Díaz Orgaz ta un supuesto operador di FARC den e pais.

E bishita di Díaz y Mejía a tuma lugá dia 8 di maart ultimo, e corant ecuatoriano a agrega.

"E registro di bishita, cu tabata worde manteni pa oficialnan di GIR di Polis, ta confirma cu e dosnan a drenta hunto cu Pamela Dávila, di Asociación Latinoamericana pa Derechonan Humano (Aldhu)", El Comercio a señala.

No obstante, Dávila a nenga cu e'la yuda e stranheronan drenta y a bisa cu ta un "información manda for di Ministerio di Defensa", e corant a publica sin duna mas splicacion.


Díaz tabata oficialmente den e país entre 1 y 28 di februari despues di drenta cu un vuelo cu a baha na Costa Rica. Raportnan di imigracion ta bisa cu e'la sali di e pais un dia despues cu un reunion bolivariano a caba na Quitop, y djei e'la bai Caracas, despues di baha na

Lima, segun El Comercio.

Sin embargo, investigadornan a proba cu Díaz a bolbe Ecuador, via caminda, for di Colombia, despues cu e'la tende di e bombardeo y di morto di cuater estudiante mexicano den e campamento di FARC, e corant a añadi. Dia 11 di maart informacion a yega for di Mexico cu Consejo Nacional di Ciencia y Tecnología (Conacyt) a desmenti cu un di su empleadonan, señala pa prensa como un conexion na Mexico di FARC, lo tabata na Ecuador den e dianan despues di e bombardeo.

E corant El Universal, di México, a indica cu Mario Dagoberto Díaz Orgaz, empleado di Conacyt, ubica na e ciudad di Querétaro, a worde identifica pa Gobierno federal como e presunto dirigente di un núcleo mexicano di apoyo na e gueriya colombiano.

E corant, cu a cita fuentenan di Inteligencia sin identifica, a sigura cu Díaz, dia 5 di maart, tabata vigilando na Quito, rond di e hospital militar caminda Morett tabata interna.



THE CINEMAS

**THE CINEMAS AT RENAISSANCE**

**THE CHRONICLES OF NARNIA 2 (PG-13)**  
daily: 4:00 6:45 9:30  
matinee: 1:10  
late-show: 12:15

**IRON MAN (PG-13)**  
daily: 4:45 7:10 9:45  
matinee: 11:45 2:10  
late-show: 12:10

**SPEED RACER (PG)**  
daily: 4:50 7:20 9:50  
matinee: 11:50 2:20  
late-show: 12:20

**THE FORBIDDEN KINGDOM (PG-13)**  
daily: 4:55 7:20 9:40  
matinee: 12:10 2:30  
late-show: 12:00

**WHAT HAPPENS IN VEGAS (PG-13)**  
daily: 4:05 6:10 8:15 10:20  
matinee: 12:00 2:00  
late-show: 12:30

**INDIANA JONES (PG-13)**  
daily: 4:55 7:25 9:55  
matinee: 11:55 2:25  
late-show: 12:25

Matinee: Sat & Sun / Late-show: Fri & Sat

**THE CINEMAS AT PASEO**

**WHAT HAPPENS IN VEGAS (PG-13)**  
daily: 4:20 6:20 8:30 10:30  
matinee: 12:05 2:10  
late-show: 12:30

**SPEED RACER (PG)**  
daily: 4:45 7:15 9:50  
matinee: 11:45 2:15  
late-show: 12:20

**LEATHERHEADS (PG-13)**  
daily: 4:50 7:10 9:35  
matinee: 12:00 2:25  
late-show: 12:00

**IRON MAN (PG-13)**  
daily: 4:50 7:20 9:55  
matinee: 11:50 2:20  
late-show: 12:20

**THE CHRONICLES OF NARNIA 2 (PG-13)**  
daily: 4:00 6:50 9:30  
matinee: 1:10  
late-show: 12:20

**INDIANA JONES (PG-13)**  
daily: 5:00 7:30 10:00  
matinee: 12:05 2:30  
late-show: 12:25

Matinee: Sat & Sun / Late-show: Fri & Sat


**DRIVE IN THEATRE**

21 (PG-13)  
Thursday: 8:00  
Friday: 8:00 & 10:30  
Saturday: 8:00 & 10:30  
Sunday: 8:00

**CAR-CRASH FROM THURSDAY TO SUNDAY.**



## Bush ta mira posibilidad pa aproba TLC cu Colombia



E actual clima politico ta complica e posibilidad pa Congreso aproba e tratadonan di comercio liber cu Colombia, Panamá y Sur Corea, pero ainda tin posibilidad cu e tratadonan lo haya luz berde, president mericano, George W. Bush, a bisa diabierna.

“Mi no a perde speransa cu e tratado di liber comercio cu Colombia lo yega den reunion

di Congreso”, e mandatario a afirma den un discurso na Cas Blanco na un grupo di empresario, productor, exportador y lobistanan.

Bush a bisa cu otro lídernan mundial a bisé cu nan ta asombra y alarma pa e consecucionan di e decision tuma luna pasa pa Camara di Representante pa pospone indefinidamente un votacion riba e

acuerdo cu Colombia.

“Manera e sensacion di sorpresa pasa, lo aparece un sensacion serio di preocupacion, cu Merca ta birando proteccionista, cu e ta perdiendo su confianza. Y tur loke mi por bisa nan ta cu politica ta demasiado fuerte awor aki”, Bush a declara.

Merca ta elegi un president nobo na november.

Sindicatonan mericano ta oponer e acuerdo cu Colombia, mientras cu hopi parlamentario di estado cu tin industria automotriz ta contra e tratado cu Sur Corea pasobra nan ta kere cu esaki por perhudica e fabricanan di auto.

Den su discurso di diabierna, Bush tabata rondona pa productonan mericano, manera un motorcycle Harley-Davidson, un chubato Caterpillar y macutonan di fruta y berdura, cu lo haya un trato liber di impuesto bao di e tratadonan comercial.

## Barack Obama lo pidi cuenta na Chávez pa loke ta FARC



Barack Obama

**WASHINGTON** – Si e worde elegi president, **Barack Obama** lo papia cu “henter” **América Latina**, aunke e lo pidi Venezuela duna cuenta pa su relacion cu FARC y e ta premira cu e relacion cu Cuba lo avansa “cu pasonan chikito”, segun Obama a laga sa den un entrevista. Nos lo mester tuma henter un serie di paso, obviamente, prome di sostene ningun conversacion diplomatico serio”, e senador a indica den su prome entrevista cu un medio na spaño. E’la acentua, di tur manera, su conviccion cu ta necesario pa Merca bolbe involucra su mes den un “diplomacia energico” con comunidad internacional.

**Obama** a señala, na juli aña pasa, cu e ta dispuesto pa reuni “sin condicion” no solamente cu e president venezolano, **Hugo Chávez**, y e lider cubano Raúl Castro, sino tambe cu otro hefenan di Estado mas polemico, manera e irani Mahmoud Ahmadinejad.

E declaracionnan aki tabata blanco di polemica na Merca, cu tin un maneho oficial cu ta oponer pa reuni cu e ‘adversarionan’ aki. Pero **Barack Obama** a sigura, den su entrevista, cu e lo no sigui e pasonan di e actual Cas Blanco, cu a caracteriza su mes den huzga su aliadonan den nan funcion a basa di nan respaldo, of no, na e agenda di e president”. Asina mes, tanto e senador como su campaña, ultimamente a suavisa e controversial promesa di reunion “sin condicion”, insistiendo cu reunionnan cu e lidernan mas polemico lo bai precedi pa reunionnan “preparatorio”.

E termino aki ta equivalente, den lenguahe diplomatico, na conversacionnan entre funcionarionan di segundo rango pa determina si tin motibo pa e lider di e paisnan reuni.

E senador pa Illinois a confirma cu esaki lo ta e modelo cu ta guia e acercamento cu Havana y Caracas, y e’la bisa cu e ta spera cu e dos partidonan na mesa di negociacion tuma e pasonan pa estrecha laso. E’la apunta cu, den caso di **Cuba**, e prome paso cu su Gobierno lo tuma pa muestra su “buena fe” lo ta pa suavisa e restriccions poni riba cubanonan biba na Merca pa manda placa of bishita nan familiarnan na Cuba.

Pa loke ta Caracas, e’la menciona cu e lo busca, prome cu cualkier discusion diplomatico serio, un “dunamento total di cuenta” di e relacion cu Gobierno di Chávez ta mantene cu FARC, cu, e’la comenta, “a bin ta hopi perhudicial pa e region”.

**Obama**, favorito pa bira candidato presidencial democrata, a reitera cu si e yega Cas Blanco, tambe e lo busca un manera pa garantiza ciudadania na e 12 mion indocumentado cu ta biba na Merca, segun calculonan.

**Obama**, cu ta aspira pa bira e prome president afro-mericano di Merca, a referi tambe na e tensionnan existente den e pais entre **hispano** y afroamericanonan, dos colonia cu ta mira otro cu envidia competiendo pa e mesun trabaonan poco cualifica.

Mayoria afro-mericano a apoya **Obama**, mientras mayoria di latinonan a respalda su rival **Hillary Clinton**.

E senador, cu awo ta trata di gana tereno entre e hispanonan, a señala cu e dos gruponan awo lo mester dera nan hacha di guerra y lucha pa nan interesnan comun.

**INFINITY**  
**SPORTSHOP**


For all your sporting needs

Bring this ad and receive

**10%**  
**DISCOUNT**

**SPECIAL**  
**On all items!**

**588-0579**



Piedra Plat 11A (net dilanti di Bright Bakery)



# Ken tabata Marulanda?

SU number real tabata Pedro Antonio Marín, miho conoci como Manuel Marulanda Vélez, alias 'Tirofijo'.

E'la nace dia 12 di mei 1930 den e provincia di Génova, Colombia, como yiu di campesinonan liberal.

Marulanda tabata comandante y fundador di e guerriya di 'Fuerzas Armadas Revolucionarias de Colombia', FARC, un organizacion considera como terrorista.

Den curso di e aña aki a bira



conoci, via medionan di comunicacion, cu e tabata sufri di cancer, y na varios ocasion tabata tin rumor cu e lo a muri, loke a worde conforma ayera. Un di su yiu muhernan tabata

casa cu su man drechi, Raul Reyes, cu recientemente a muri den un bombardeo riba un campamento di FARC den teritorio ecuatoriano, dia 1 di maart.

Segun gobierno colombiano Marulanda a muri na luna di maart ultimo a consecuencia di un atake cardíaco, un version cu awor a worde confirma pa FARC.

Marulanda tabata den posicion number siete di e lista Forbes, di e 10 criminalnan mas busca na mundo.

# Temblor fuerte ta laga seis morto na Colombia



**BOGOTA** – E hendenan a muri diasabra ultimo, dera pa un derumbe di piedra cu a cai riba un caminda como consecuencia di un temblor di 5,6 cu a sacudi centro di Colombia, president Alvaro Uribe a informa.

E derumbe a tuma luga cerca di e pueblo Quetame, den departamento di Cundinamarca, riba e caminda cu ta comunica e ciudadnan di Bogotá y Villavicencio, e mandatario a revela den un reunion di Consejo di Gobierno.

"Nan a muri atrapa pa e derumbe", Uribe a bisa for di e pueblo Florida, den departamento di Valle del Cauca.

E epicentro di e temblor, a worde localisa cerca di e municipio El Calvario, den departamento di Meta, 55 kilometer zuidoost di Bogotá.

Instituto Geofísico di Colombia a bisa cu e temblor a registra un profundidad di 3,9 kilometer, dor di cual su intensidad a worde sintí na Bogotá y otro ciudadnan manera Villavicencio, Medellín y Cali. Un temblor di e magnitud aki por cuasa daño den zonanan hopi pobla.

Trafico di vehículo via e autopista Bogotá-Villavicencio a keda blokea pa e derumbenan riba caminda, e comandante di Polis di Caretera, general Luis Alberto Moore, a bisa.

Oficina di Atencion di Disaster di Presidencia a informa cu por lo menos 10 cas y un misa a cai na e pueblo Quetame como consecuencia di e temblor.

President Uribe a ordena traslado di funcionarionan pa e zona mas afecta pa e temblor y a anuncia cu e lo bishita e region pa coordina directamente e programanan di atención na e personanan damnifica.

E temblor a worde sintí fuertemente na e capital colombiano di mas di 7 miyon habitante, caminda un centenar di persona a core sali riba caya, segun testimonian a reporta.

E alcalde di Bogotá, Samuel Moreno, a bisa cu e temblor a causa dañonan menor na algun fachada di edificio den centro di e ciudad y un colapso di comunicacion telefonico cu a worde supera gradualmente.

E region di koffie den centro di Colombia a worde sacudi na januari 1999 pa un teremoto di 6,2 grado di magnitud cu a causa bida di 1.230 persona, a laga casi 5.000 herido y 250.000 damnifica, den loke tabata e peor tragedia natural di e pais den ultimo decada.



## We have Moved!

In order to upgrade our operations and execute our future plans, we have moved our Italiestraat Showroom and merged it into our other showrooms, located at

**Schotlandstraat 85** (Behind Eagle Bowling) and **Savaneta 123-B**

Both Showrooms are open Monday - Friday from 8:00am - 12:00pm & 1:30pm -5:30pm  
Saturday from 9:00am - 1:00pm

For more information, please call **588-3959** (Schotlandstraat) or **584-4200** (Savaneta)

Our Kia Service Center is conveniently located in Barcadera 4

## Nos a Muda!

Relaciona cu mehoracion di nos operacion y expansion di nos plannan pa futuro, nos a muda nos Showroom di Italiestraat y a integra den nos otro showroomnan na

**Schotlandstraat 85** (patras di Eagle Bowling) y **Savaneta 123-B**

Ambos showroom ta habri di Dialuna pa Diabierna 8:00am - 12:00pm y 1:30pm -5:30pm  
Diasabra di 9:00am - 1:00pm

Pa mas informacion, yama call **588-3959** (Schotlandstraat) of **584-4200** (Savaneta)

Nos Centro di Servicio di Kia ta situa na Barcadera 4





# Deporte

Nan kier esaki

## Sampdoria tin pensa di keda cu Antonio Cassano den nan club

**REPRESENTANTENAN** di Sampdoria, di e Prome Division italiano di futbol, tin pensa di biaha e siman aki pa e capital di Spaña pa purba sera algo cu Real Madrid pa e compra di e delantero Antonio Cassano, cu recien a conclui e temporada cual a hunga riba renta den e team italiano.

Segun e contract di renta di Cassano pa Sampdoria, e club tin un opcion pa hasi cu e derecho definitivo di e hungador pa un cantidad serca di 5,5 miyon di euro. Un cantidad cu Sampdoria ta desea paga den varios manera anual.

Ya e ultimo january Sampdoria a expresa su intencion di hasi efectivo e opcion di compra di Cassano, cu a cumpli un notabel temporada y a logra bolbe di nobo na e prome pagina informativo pa su calidad como futbolista.

Y ta cu den Sampdoria a muestra un Cassano mas concentra den e terreno di wega, apesar cu tambe a protagonisa algun cu otro di su habitual "Cassanate", cual nomber a wordo duna pa e tecnico Fabio Capello ora ambos tabata den Roma na e conflicto cu e hungador tabata cay aden.

Den e ultimo lunanan Sampdoria, pa medio di su administrador delega, Giuseppe Marotta, a purba baha den e 5,5 miyon di euro fiha pa compra Cassano manera paga den tres aña.

Real Madrid no a tuma ningun propuesta, remitiendo asina finalmente tur e conclusion di e temporada 2007-08.



No ta wak esaki bon

## Lionel Messi su decision a trece un descontento den Barcelona

E decision di e argentino Lionel Messi di bay cu su seleccion sub-23 pa e Weganan Olimpico di Beijing, na lugar di participa den e prome fase di UEFA Champions League a provoca descontento den FC Barcelona.

Diahuebs, den un conferencia di prensa, hunto cu e director tecnico di e seleccion di sub-23 di Argentina, Sergio Batista, Messi a anuncia cu su prioridad ta pa ta den e Weganan Olimpico di Beijing 2008 pa defende e medaya di oro, y cu e fanatico di Barcelona por compronde cu mi lo no ta den e weganan di clasificacion di Champions

League.

Sin embargo, e corant catalan SPORT den un columna titula "Confidencial" a bisa cu e declaracion di Messi a provoca un descontento den e club.

"Aunke, oficialmente, Barcelona no ta bay bisa esaki, e berdad ta cu den e club ta existi un gran descontento pa e decision di Messi pa pone como prioridad e Weganan Olimpico.

E ausencia di e argentino den e prome fase di UEFA Champions League ta considera un falta di compromiso", e corant a señala.







No tabata suficiente

## Avram Grant tabata destitui como tecnico di Chelsea

E tecnico israeli Avram Grant a confirma diasabra su salida di Chelsea di Inglaterra, despues di no por a gana Premier League y UEFA Champions League, y lo hiba un daño di casi 10 milyon di dollar.


E permanencia di e israeli tabata den duda full e temporada apesar na conduci e Blues na e segundo lugar den liga Premier, pero diaranson a perde contra United di cual tabata muestra e ultimo gota.

Chelsea a hunga un bon wega den e stadion Luzhniki di Moscow, pero ainda asina e directiva a pasa Grand despues di dos dia di negociacion y awo ta den buskeda pa un sucesor.

“T’e ainda Chelsea kier gradici Avram pa su contribucion desde cu a converti den tecnico na september”, e club a bisa den un comunicado. “Awo nos ta bay concentra nos esfuerso den identifica e tecnico nobo pa Chelsea y no tin mas comentario riba esaki”.

E tecnico a bisa di su salida di Chelsea despues di un conversacion cu e manager Peter Kenyon y a dispidi diasabra di e hungadornan di e team britanico.

“Tabata un gran honor y privilegio traha cu boso”, e entrenador emociona a bisa, cu diaranson a perde e final di UEFA Champions League, cu Manchester United den tiro di pinalty.



Y t’e nan wak nada

## Cristiano Ronaldo a papia di e temporada espectacular y cu lo kier keda den United

E estrea di Manchester United, Cristiano Ronaldo a cataloga e temporada pasa como espectacular pero a adverti na su oponentenan cu por ta t’e ainda mihor.

E lateral a anota 42 gol den full e competencia pa United den un sorprendente temporada, den cual a retene e corona di Premier League y logra tambe e titulo di UEFA Champions League, y a supera e record di George Best como e mediocampista mas grandi den e historia di e club.


“Cada temporada den Manchester mi a mehora”, Ronaldo a bisa. “E temporada tabata un grandi y mi a score hopi gol den e caminda pa gana importante titulo pa e club”.

“E aña cu ta bin mi lo trata di hunga mihor ainda y tin un temporada ainda mihor cu esaki”.

“Mi a hunga un campeonato espectacular, un bon Champions League y mi ta hopi felis cu esaki. Tabata mi prome titulo europeo y mi kier gana hopi biaha mas paso e sensacion ta increibel”.

E speculacion acerca di cu e hungador di 23 aña lo ta uniendo na e gigante spaño di Real Madrid tabata den noticia henter siman, pero Ronaldo a reitera cu su deseo ta keda den Old Trafford den e futuro y a insisti cu solamente ta enfocando awo na representa Portugal den e Euro 2008 otro luna.

“Mi tin un contract cu Manchester United den e momento aki y solamente mi ta pensa na tin exito den Eurocup”, el a bisa.







Un dia di poder

## Bobby Abreu ta yuda Yankees gana Seattle

**BOBBY** Abreu a sacudi un homerun y a logra hinka cuatro careda, y Yankees ta gana asina diasabra cu score di 12-6 riba Seattle Mariners pa logra su prome racha di cuatro victoria e temporada aki. New York a gana su oponente pa 35-9 den su ultimo cuatro wega.

Mike Mussina a sobrebibi cinco inning prome di entrega e bala na Joba Chamberlain y a renoba e bullpen di Yankees.

Jason Giambi a dal un homerun di tres careda y e dominicano Robinson Cano a bay di 4-4 cu tres double pa Yankees, cu a mantene invicto den

cinco wega cu Seattle e temporada aki.

Yankees a gana Seattle pa 44-12 den su weganan. E venesolano Carlos Silva (3-4) tabata castiga cu 11 hit y siete careda (cinco limpi) den seis inning. A otorga un base por bola y a poncha dos.

Mussina a traha cinco inning, a admiti siete hit y cuatro careda, cu un base por bola y cuatro ponche. Chamberlain, ken Yankees a purba converti di relevista pa habridor, a tira dos inning den blanco, den cual a tolera un hit, a regala un base por bola y a poncha dos.



Sin piedad

## Detroit Tigers a logra gana Minnesota Twins

E venesolano Magglio Ordoñez a dal dos homerun y a hinka seis careda pa hiba Detroit Tigers na un victoria diasabra ci 19-3 riba Minnesota Twins. E actual campeon di bateo di Liga Americana a conecta un homerun di dos careda pa leftfield y a hinka dos careda cu su doblete den e tercer inning, cu a duna Detroit un ventaha definitivo. Ademá, a agrega otro homerun di dos careda durante un racha di seis hit den di cuatro inning. E triunfo di Detroit a pone fin na un racha di cuatro derrota consecutivo riba su rival di Division Central di Liga Americana. E pitcher Boof Bonser tabata tin su salida mas cortico den e temporada, na solamente tira tres bateador den di cuatro inning. Bonser a permiti e prome nueve careda di Tigers y no a gana den cinco wega durante mei. Nate Robertson (2-5) di Detroit tabata esun ganador na poncha cuatro rival y permiti tres careda den seis inning y un tercio. Tabata su prome triunfo desde 1 di mei. E dominicano Aquilino Lopez a caba e wega y a poncha cuatro rival y a acepta un solo hit.





Nan ta den accion

## Ana Ivanovic ta presenta na Roland Garros cu victoria mescos cu Safarova

**DIADOMINGO** ultimo a cuminsa e Grand Slam di Roland Garros, na Paris. Entre e damanan ya a sigura su lugar den e segundo round e checa Safarova y Benesova, e serbia Ivanovic y Yakimova. E prome dia a habri cu e victoria di Lucie Safarova riba Sandra Kloesel pa 6-1 y 6-1. Despues, Iveta Benesova a gana Nicole Vaidisova cu score di 7-6(2) y 6-1. Ana Ivanovic pa su parti a impone riba Sofia Arvidsson cu score di 6-2 y 7-5. Anastasiya Yakimova a gana Su-Wei Hsieh cu score di 6-7(4), 7-5, 6-4. Y Caroline Wozniacki a supera Yvonne Meusburger cu score di 6-0 y 6-2. Mas despues Selima Sfar a supera Stephanie Dubois cu score di 7-5, 6-2. Klara Zakopalova a gana Virginie Razzano cu score di 4-6, 6-3, 6-2. Ekaterina Mararova a gana Catalina Castaño cu score di 7-5 y 6-1. Mathilde Johansson a gana Camille Pin cu score di 6-4, 4-6 y 6-2 y Dominika Cibulkova a gana Angelique Kerber cu score di 6-2 y 6-2.



## St. Louis Cardinals ta logra gana Dodgers diasabra ultimo

**KYLE** Lohse a gana pa prome biaha den casi un luna na traha seis inning sin anotacion pa hiba Cardinals pa e triunfo di 4-0 riba Los Angeles Dodgers. Lohse a permiti seis hit, a poncha cinco y no a parti ningun base por bola den su prome victoria desde 27 di april, contra Houston. Solamente un coreador a pasa pa segunda base, den su seis inning. Brad Penny a logra permiti cuatro careda y cuatro hit den mas di siete inning. A bay ta celebra derrota su di 30 aña despues di poncha cinco. No a duna base por bola. E dominicano Albert Pujols a conecta Penny un double productor den e tercer inning, ora Cardinals a habri cu cuatro hit. Poco prome di e wegá, e curasoleño Andruw Jones a wordo poni pa Dodgers den e lista di lesionado durante 15 dia debi na un problema den e rudia banda robes cu tabata mester opera y lo laga esaki afo di cuatro pa seis siman.





Hopi debut

## David Nalbandian a presenta na Roland Garros cu un victoria riba Berlocq

**DAVID** Nalbandian a logra e pase pa segundo round di e cuadro masculino di Roland Garros despues di gana su compatriota Carlos Berlocq pa 6-2, 6-4 y 6-1 den un ora y 53 minuut di wega.

E hungador di seis cabes den e serie, tabata tin poco problema pa deshasi di un rival cu a acudi pa tercer aña consecutivo na e Grand Slam di klei, unda aña pasa a logra pasa un round.

Despues di supera cu claridad su rival den e dos prome set, Nalbandian, cu no a muestra den problema fisico, a sera e wega cu un facil tercer set cu a caba cu un score di 6-1 prome cu e dos tenista a bay brasa otro.

Su proximo rival lo ta e frances Jeremy Chardy, invita pa e organisadornan, cu a deshasi di e portugues Federico Gil pa 6-3, 6-2, 7-6(1).

Ademas, Juan Martin Del Potro a gana Fabio Fognini pa 6-2, 6-3 y 6-3. James Blake a hunga contra Rainer Schuettler pa gana esaki cu score di 6-4, 6-1 y 7-6 (3) y Miguel Angel Lopez Jaen a gana Frank Dancevic pa 7-6 (6), 3-6, 7-5 y 7-6(2).

Otro argentino cu a sigui den careda ta Sebastian Decoud y Maximo Gonzalez. Decoud a gana den cinco set riba Oliver Rochus, di Belgica cu score di 6-3, 4-6, 6-3, 6-7 (8) y 6-1. Gonzalez a impone cu un 6-3, 7-5, 4-6, 3-6 y 6-2 riba Roko Karanusic di Croatia.

Pa su parti, e tercer clasificado Novak Djokovic a gana Denis Gremelmayr di Alemania cu score di 4-6, 6-3, 7-5 y 6-2 y Nicolas Almagro a logra gana Boras Pashanski cu score di 6-4, 7-5, 6-1.

Den e dia aki e frances Paul-Henri Mathieu a gana y a dispidi di e torneo y di tennis Gustavo Kuerten pa 6-4, 6-3 y 6-2.



**DANKI  
PA YAMA**

E celular aki  
ta dibo si  
bo tip  
conduci na  
un articulo  
exclusivo

HOTLINE  
**733-8477**

**Digicel**  
Spera Mas. Hanja Mas.



# TRANSMISSION BASEBALL "LIVE" RADIO 1270 AM STEREO

**DIALUNA 26 MAY 2008**

BO TIN UN CITA OBLIGA KU NOS  
ASTRO PITHER ARUBANO **SIDNEY  
PONSON (3-0 / 2.95)**, CU TA BUSKA SU DI  
4 VICTORIA.

**7:10 TEXAS VS. TAMPA BAY**



**E CREW DI BO 1270 LO TEY  
PA TRESE HUGADA PA HUGADA  
BO 1270 E EMISORA DEPORTIVO**

AMADOR ODUBER TEL 593 5293

MAIKEL ARENDS 582 7800 CEL594 9990 FAX 5827044

ROBI FAX 582 5052 TEL 5826747 CEL 582 2239 OF 562 9830



# Emocionante careda di roadbike diadomingo ultimo na Streetwise

**DIADOMINGO** ultimo, 25 di mei 2008, tabatin un careda emocionante y super veloz di road bike na e circuito di Streetwise. For di 7'or di mainta tabata spera tur ciclista pa registra pa 10 florin y unda pa 7:30 careda a inicia. E liña di salida tabata na veld di Madushi Stas na San Nicolas. Pasa dilanti di e veld di BMX di streetwise, direccion ruta di grot di Lourdes y ta yega e veld bek. Ariba un circuito unda cada buelta ta 4.5 kilometer, e diferente categorianan a core entre 12 pa 20 buelta dependiendo di nan respectivo Categoria. Elite A a core 20 buelta, mientras Elite B a dal un total di 15 ronchi. E categorianan tanto di Hubenil, Sub-Master, Master y Dama, tur a core 12 buelta di 4.5 km.



**Usa bo placa conscientemente cada dia**

**Abona y ricibi bo corant preferi te na porta di bo cas tur mainta**

**AWEMainta**

**Abona yama 583-1400**



# The Ultimate Challenge 2008 cu mas informacion

**DEN** e edishon di awe comision The Ultimate Challenge ta splica kiko tur e atletanan cu ta bai forma parti di evento aki mester tin cu nan y e reglanan cu lo ser aplica. Aruba su Adventure Race cu ta ser categorisa como uno di Sprint. Manera cu a ser anuncia, ningun ekipo ta na haltura di e ruta y e tareanan cu nan mester cumpli cune.

Un rato prome cu e Start, kada ekiponan ta haña nan Mapa y coordinacionan pa Plot esaki ariba nan mapa.

Kada ekipo ta dicidi ki ruta nan ta tuma hasiendo uso di nan Mapa y Compas. Atraves di esaki cada ekipo ta trata di yega mas lihe cu ta posibel na e diferente CP (Check Points)

Den un evento manera esaki cada ekipo ta responsabel pa nan mes un coi come y bebe.

Aki ta sigui un lista di locual cu bo ekipo mester tin cune:

1)Camelpack 2) Bidon 3) un Flash Light 4) First aid kit. 5) "Sunbechi" 6) Pins 7) Sapato di core cu zool stevig 8) Lijm pa zool 9) yabi di bicicleta 10)Pomp di bicicleta (chikito)

11) Ziploc. Pa locual ta trata reglanan: 1)E miembronan di kada ekipo mester keda hunto 2) tur tarea mester ser cumpli 3) no ta permiti pa ser yuda pa un familiar 4) Un ekipo por haña e conseho pa termina e careda pa e Staf medico 5) no ta permiti tira sushi abow si esaki

sosode bo ekipo lo ser deskwalifica 7) no ta permiti di hasi daño na e naturalesa 8) Bo paspoort cu e checkpointsnan mester ser entrega na Final 9) E Support Crew por duna asistencia solamente den Transition Area.

Un regla nobo pa evento aki lo bai ta e Cut-Off time: Si durante e careda un ekipo no a logra di yega un CP dentro un tempo e ekipo aki lo mester bandona e careda. E regla aki tin haber cu e parti di seguridad.

Recomendacion Atletanan, corda tuma suficiente liquido den e dianan cu ta bin. Un bon signal cu bo tin suficiente liquido ta: 1. si bo ta sinti cu cada biaha bo kier urina 2. e color di bo urina ta

cla. Aruba bo ta keda cordialmente invita pa e di siete Ultimate Challenge ARUBA su Adventure Race cual lo bai tuma lugar dia 1 di juni di 2008 . E start lo ta exactamente pa 11 or di merdia saliendo for di e Franse Pas.

Ekipona pa The Ulti-

mate Challenge

Awe nos ta ser conoci cu un di e ekiponan di Cuerpo di Bombero cual aña pasa a termina e careda aki na di tercer lugar cu tin como Capitan Ivo Maduro. Cuerpo di Bombero ta compitiendo ya pa 7 aña caba den e evento aki y cu e biaha aki cu 3 ekipo. Den un otro edicion nos lo presenta e dos otro ekiponan.

Otro ekipo cu ta cla pa bai lo maximo den e evento aki ta e studiantenan di IPA di e estudio Movecion y Salud encabesa pa nan docente Karim Perez. Den e siguiente edicion nos lo presenta mas ekiponan cu lo forma parti di The Ultimate Challenge. Recordatorio: Diamars 27 di mei di 2007 ta bai tin un charla encuanto "Heat Emergency" y un curso encuanto Mapa y Compas. Esaki lo tuma lugar pa 7:00 di anochi na Guillermo Prospero Trinidad den sala nr 39. Ta pidi tur hende ta na tempo. Encuanto e "Checklist" di materialnan cu cada Atleta y Ekipo mester, lo ser manda via email.

Pa cualkier informacion por tuma contacto cu Peter Simon 7328428 rudolphsimon@hotmail.com of Andy Gomes 5672552.



**AWE**Mainta****

*e corant di Toko*

**Tel: 583-1400 Fax: 583-1444**



# Miembronan di JCI Aruba Female a grap hopi oportunidad na Panama

E miembronan cu a atende e conferencia di Junior Chamber International na Panama a regresa Aruba bek hopi satisfecho.

Durante e siman na Panama nan a haci uso di tur oportunidad cu a presenta. Asina nan a sera conoci di cerca cu e cultura y e historia di Panama. Asina tambe nan a mira di cerca e Panama Canal y por tabata testigo di tur e barconan cu tabata pasa door di e canal aki.

Tambe nan a bishita e trade show y a haya un experiencia directo di productonan local orguyo di e paisnan bisña. Un oportunidad grandi cu e miembronan a haya ta di atende hopi

seminario den diferente ramo, manera e parti di gerencia: empresa manera empresa di famia ta empresa cu ta dura, bo envase, brain mapping, lidernan local: pensa global, actua local, den campo di liderzagco a presenta e siguiente training: planificacion strategico, actitud di un campeon, tick-tock: sacando lo mehor di e 1440 minuutnan den un dia, e spiel di un lider, den e campo emresarial a presenta: unlock “to do”, conoce bo mes, sea excelente y keda excelente, comunicacion interno, prepara bo empresa pa participa den eventonan internacional, e rompecabeza di exito, e secreto di lenguaje corporal, adminis-

tracion di tempo, franchise: oportunidad di negoshi, psicologia di felicidad, ban cambia e mundo, crisis management, etc.

JCI tambe a organisa un programa especial pa e first-timers, dus pa esnan cu ta atende nan prome conferencia. A duna nan un mainta di informashon y despues a saca algun nomber di participantenan, kendenan a hanja e oportunidad di kana ful un dia cu un di e personan importante di direktiva.

Asina di Aruba Zulema Faro a wordu escogi pa kana henter dia cu e vice-presidente internacional, German Donnola caminda e la hanja e oportunidad

di weita di cerca con un dia di un vice-presidente ta durante un conferencia. Un otro actividad cu a hala hopi atenshon ta e nation night.

Aki den un sala hopi grandi tur pais presente na e conferencia ta haya un stand cu nan por decora nan mes. Asina Aruba hunto cu Antias a atende un stand caminda tur dos partido a expone nan material cu nan a trece for di nan pais. Aruba a hiba coeicoei y ponche crema, material di tur actividad y hotelnan cu nos ta ofrece. A hanja cooperashon di de Playa Liquor and Botlling Co.N.V., Palmera products, de Palm Tours, Avianca, ATA. E pink Aruba cu nos a

traha a atrea masha hopi hende. Tambe a hiba keeshi hulandes y Antias a trece cos dushi di lechi y cocada. Tur miembro a bisti un trahe tipico y a presenta un paar di baile local. JCI Aruba Female kier a gradici un y tur cu a yuda nan promove Aruba na e conferencia na Panama.

Un ves mas JCI Aruba Female kier enfatisa cu nan organisashon ta un organisashon di oportunidad, un organisashon cu ta desarolla lidernan den nos comunidad y cu ta habri pa tur hoben di Aruba entre e edad di 18 pa 40 anja. Si ta desea mas informashon di JCI Aruba Female por tuma contacto cu Jarisma Wouters 592-7844.

## “MUMA” Museo di arte pa mucha di Aruba



**ARUBA** International Arts Foundation, pa medio di esaki, ta anuncia e introduccion di “MUMA”, e Museo pa Arte di Mucha di Aruba.

MUMA ta un concepto di Aruba International Arts Foundation (AIAF), pa medio di su coordinador di proyecto sr. Stan Kuiperi. Despues di un periodo di investigacion, informacion y preparacion, a dicidi pa cuminsa cu e proyecto y introduci e concepto na comunidad di Aruba riba diadomingo 18 di mei, Dia Internacional di Museo.

Riba e dia aki, Museo Historico Arubano tabata e promer am-

fitrion di MUMA. Den un forma di cooperacion unico, organizadornan di MUMA por a hasi uso di e plaza di Museo Historico y su programa special pa mucha pa introduci MUMA como sorpresa na e publico bishitante riba Dia di Museo.

A base di un exposicion visual a mostra diferente aspecto cu MUMA ta bai inclui, manera p.e. arte di mucha local y internacional, obranan di artistanan local y internacional, literatura di arte pa mucha y bukinan ilustra, cursonan, proyectonan y actividadnan educativo pa mucha, famia, comunidad y bishitantenan, integracion cu otro disiplinanan di arte, miembrecia di e museo, cooperacion cu sectornan cultural, di enseñansa y social, contacto y intercambio cu institutonan internacional, etc., etc.

MUMA lo funciona manera un museo di arte internacional, segun criterionan di ICOM (International Councils of Museums) di UNESCO, y lo specialisa den arte visual pa hubentud di 2 pa 18 aña.

MUMA su vision ta pa “crea experiencianan educativo pa medio di arte y cultura pa desaroyo di conosemento, creatividad y reflexion serca hubentud na Aruba”.

MUMA su mision ta pa “funciona como centro cultural dinamico y educativo, y como vinculo entre organisacionnan educativo/artistico nacional y internacional”.

MUMA lo cuminsa riba escala chikito y desaroya segun posibilidadnan, a base di programanan y cu personal profesional, cu formacion y experiencia tanto den arte como educacion.

E ta un proyecto cu un potencial hopi grandi, y cu ta ofrece un solucion pa e problematica existente den educacion di arte y desaroyo social di hubentud na Aruba.

Un Museo di Arte pa Mucha lo ta un adiccion hopi importante y necesario pa nos comunidad di Aruba. MUMA lo ofrece un educacion cognitivo y creativo hopi importante pa cada mucha como ciudadano di Aruba y

di mundo. Ademas di esaki e museo lo ofrese posibilidadnan creativo pa cada mucha siña supera y resolve retonan di bida. Creatividad lo yuda resolve tur tipo di situacion personal y social den nos comunidad, algo cu den exterior ta conosi basta aña caba, y cu awor Aruba tambe ta cuminsa experiencia. Trahando seriamente na e base hoben di nos pueblo ta e unico manera proactivo pa yega na un comunidad positivo y prospero den futuro.

E concepto y programacion di MUMA ya caba ta existi a base di e expertisio di 20 aña di AIAF den educacion di arte (educacion di maestronan y muchanan, miembro di organisacionnan y congresonan mundial), programanan di arte profesional (festival y exposicionnan), y proyectonan internacional (bienal y festivalnan den exterior, contacto cu institutonan similar).

Cu e introduccion di MUMA na comunidad, Aruba Intl. Arts Foundation ta spera cu lo ricibi e sosten y ayudo necesario pa realisa e Museo di Arte

pa Mucha. Di e manera aki, comunidad di Aruba ta keda invita pa pensa y actua hunto cu e organisadornan y aporta na e museo den cua forma cu ta. Loke MUMA ta spera di por logra den comunidad ta: (1) un edificio adecua pa por instala e coleccionnan di e museo, (2) voluntarionan pa forma personal di e museo, (3) e fondonan parcial necesario pa cuminsa y continua cu trabounan di e museo, y (4) material specifico pa exposicion y trabou educativo den e museo.

MUMA ya caba a cuminsa ricibi sosten di organisacionnan den comunidad, manera di Biblioteca Nacional Arubano y Museo Historico Arubano.

E entusiasmo pa e concepto y plannan pa MUMA ya caba ta hopi grandi, y ta notable con comunidad di Aruba ta aprecia y aplaudi e yegada di un museo pa mucha na Aruba.

Aruba Int’l Arts Foundation ta desea di gradici un y tur di antemano pa nan aporte na MUMA, Museo di Arte pa Mucha di Aruba. E t’ey pa nos tur!



# Xpresa bo mes

noticia@awemainta.com

Tur comunicado o remetido cu ser manda pa AWE**Mainta** mester inclui nomber, fam y number di telefon di e remitente. AWE**Mainta** ta keda cu e derecho reduci of edita esakinan pa publicacion.

## Campaña miyonario, sintoma di corrupcion

E expresion “campaña ta un y gobernacion ta otro” mester tabata determinante pa pueblo comprende e tempo ey caba, cu no tin transparencia den gobernacion aki na Aruba.

Transparencia ta loke mundo ta demanda di e politiconan di awendia. Transparencia no mester ta solamente un ‘slogan’ pa gana eleccion.

Transparencia mester ta aplica na promer lugar den campaña mes, pa asina demostra for di principio, cu gobernacion lo bira e ‘sombra’ di e campaña cu a hiba.

Pueblo mes t’esun cu mester dicidi si Aruba ta bai sigui conoce gobernantenan corrupto. Corupcion a haci cu desde principio y cu cada bes di nobo Gobernacion ta surpasa nos

presupuesto. Esaki a conduci cu nos debe nacional a surpasa 2 biyon (2.000.000.000) florin y cu Gobernacionnan hamas por cumpli cu tur locual nan a priminti na pueblo durante campaña.

E expresion di ‘oro’ aki, cu a brota for di un curazon yena cu alegria y emocion, pero na mesun momento hopi confundi, net despues cu resultado di eleccion a bira conoci y na un momento di guera di consenshi, ta bisa: “Campaña ta un y gobernacion ta otro”.

Nos mester ta agradecido n’e expresion aki, pasobra esaki t’e berdad amargo cu ta sosode y ta nos mester cambia esaki.

E expresion aki no ta un consciencia, pero ta algo cu mester a sosode p’asina lanta nos for di soño y haci nos comprende

cu un campaña miyonario ta fundeshi di un Gobierno corrupto y si mientras nos como votador ta permiti y participa n’esaki, nos t’e promenan cu ta culpabel n’e situacion financiero cu Aruba ta pasa aden awor y nos ta responsabel p’e ‘sufrimento’ di nos futuro generacionnan.

Ta momento anto p’e pueblo consciente, cu kier contribui na un desaroyo sostenibel y na un balanse social economico, boycotea enfaticamente e intransparencia di un campaña politico, na unda na fin di cuenta nan ta usa miyones di nos mes un riqueza p’esaki.

Pueblo mester rechasa cu patrosinadornan di partido ta hinca miyones den campaña pa despues saca esaki, cu ganashi

astronomico pa medio di Gobierno, for di nos pueblo. Pueblo mester saca su conclusion na momento cu un partido politico ta permiti esaki y rechasa e partido aki instantaneamente sin importa cual partido esaki ta. Pueblo mester evita pa actua ‘como miembro di un secta’ locual en realidad ta rumbo di e politica tradicional.

Recientemente un hoben di 19 aña a sorprende politiconan tradicional di Oklahoma, momento cu el a haya sosten di 70% di e pueblo votador y a keda eligi como Alcalde di e pueblo aki.

Cu e slogan ‘transparencia’, locual el a practica tambe durante su campaña el a elimina masalmente custumber di practicanan cu no ta permiti di

conoce lus di dia.

Cu e mesun practica aki ex Obispo Fernando Lugo di Uruguay, kende a keda eligi como e Presidente nobo di e pais aki, a bari e politica tradicional y a habri caminda pa transparencia den gobernacion.

Aruba te cu awor t’e unico pais privilegia den Caribe cu actualmente tin un opcion prepara y ta keda na e pueblo pa escoge pa cambia e rumbo cu nos pais ta bayendo. Pa 5 aña caba pueblo di Aruba conoce un movimiento politico inovativo cu ta hiba e mesun pensamiento cu mundialmente ta cogiendo plasa, esta pa caba cu corrupcion gubernamental y habri caminda pa husticia social.

Nomber y direccion conoci na redaccion

## Pueblo di Aruba ta consisti di diferente nacional y pesey EPB Pariba ta organisando un evento multicultural

E proyecto di un evento multicultural aki ta un exposicion multicultural cual aña pasa a tuma lugar pa prome biaha n’e localidad di EPB Sta. Cruz bao guia di e seccion di Desaroyo General Pariba, enfocando nan mes riba e educacion futuristico.

Dos grupo di e di 2 aña a sa di presenta diferente aspecto cultural di 10 pais/isla. Banda di esaki tambe nan a sa di deleita e publico presente cu un show cultural consistiendo di bailenan y canto tipico di e 10 paisnan.

Debi cu esaki a resulta den un exito rotundo directiva di EPB Pariba a dicidi di incorpora e actividad multicultural den e programa anual di dicho scol.

E idea tras di e Proyecto Multicultural?

E idea tras di e proyecto aki ta p’e alumnonan haya un per-

spectiva amplio con diverso (multicultural) e comunidad di Aruba ta y ademas dor di esaki e studiantenan lo desaroya nan habilidad riba diferente forma pa cu e exposicion di nan producto.

E estilo di enseñansa aki ta brinda e alumnonan e oportunidad pa nan mes determina kico nan producto final lo bira.

Nan lo traha den grupo, nan lo tin cu tene cuenta cu otro, traha den equipo p’asina logra un bon producto final. Den e proyecto aki imaginacion y creatividad di e studiantenan pa cu creacion di e obranan ta esencial.

Nan lo haya mas conocimiento di e cultura, custumber, cuminda, dlanan festivo di diferente nacion di e personanan cu a imigra for di e paisnan stranhero pa establece nan mes na Aruba. Di e manera aki nos ta habri e posibilidad pa nan acepta y respeta cultura di otro

y aprecia nan mesun cultura.

E aña aki, teniendo na cuenta cu el a keda proclama como Aña Cultural directiva di EPB Pariba kier a presenta su exposicion multicultural na un forma grandioso.

Den e proyecto aki nan lo enfatisa na prome lugar riba Aruba.

Aruba lo ser exponi riba diferente aspecto. Nos intencion ta pa expone e Aruba di antes (pues prome cu e industrianan di afo a bin concentra nan mes aki, e Aruba durante e periodo di Lago y tambe e Aruba relaciona cu nos industria di turismo). Banda di esaki nos lo concentra riba e demas pais/islanan cu a y ta hunga un rol importante den nos comunidad. Es decir e paisnan cu di un manera of otro tin of tabatin di aber cu e historia di Aruba y e evolucion pa cu esaki.



E aña aki e evento lo tuma lugar dia 13 di juni 2008 riba e parkeo di Arubus San Nicolas, for di 6 or di atardi te cu 10 or di anochi. EPB Pariba a dicidi di pone e actividad n’e localidad aki p’asina regala e pueblo di San Nicolas un evento espectacular di exposicion y show cultural.

Durante e atardi/anochi aki lo tin benta di cuminda, boca dushi, bebida no alcoholico, artesanian di e pais/islanan cu lo ser exponi na un preis sumamente rasonabel.



Nos di EPB Pariba kier a hasi un cordial invitacion na e pueblo en general muy en particular e pueblo di San Nicolas pa asisti na dicho atardi-anochi multicultural.



John v.d. Biezen, miembro di AVP

# Gobierno ta trata di hunga cu inteligencia di un pueblo pa medio di un programa di television



**DIA** tras dia nos por mira mas y mas e pioridadnan di Gabinete Oduber 4 saliendo na lus di dia. Un Gabinete cu a laga su mes wordo conosi como un Gabinete cu a costo di sudor y lagrima di un pueblo a faborece y ta faboreciendo un grupo di privilegiadonan, amigonan y

campanjadornan di partido MEP na un manera abusivo. Den 7 anja di tempo Gabinete Oduber pa medio di un cantidad di medidanan y deroche di placa a masaca finansas di hopi hogarnan aki na Aruba. Realizando cu e dolor ta wordo sinti na tur parti di Aruba,

Gabinete Oduber 4 ta paga cu placa di pueblo un programa di television, caminda ta trata di splica e comunidad di Aruba cu e problemanan cu ta reinando den hogarnan ta problemanan fictisio, cu pues no ta existi y cu ta producto di nos mente. Esaki sigur ta un insulto pa cu e inteligencia di e comunida di Aruba, ya cu sigur e recibo di awa y corriente cu no por wordo paga, gastonan di yuinan cu no por wordo cubri, e criminalidad creciente, e huurnan cu no por wordo paga, e prijsnan halto a causa di e BBO, no ta fantasianan, sino realidadnan amargo.

Por medio di e programa di television, Conecta cu bo mes, cu ta ser subsidia door di Gabinete Oduber 4 cu placa di pueblo, ta trata na spica pa medio di

psicólogo- y sociologo nan cu tur e problemanan existente ta a causa di e negativismo cu ta reina den e pueblo. E tristesa ta bira mas grandi na momento cu esnan cu ta responsabel pa e negligencia di e aumento di violencia y criminalidad, e empobrecimento di e diferente bari-onan di Aruba, e kibramento di e lasonan di amistad y union, ta indiferente na tur esakinan. Subsidio pa polis por combati criminalidad mas efectivo, a ser corta, na hospital ta trata di corta vet según e language di gobierno, agresividad y odio ta ser sembra diariamente di parti di propio gobernantenan. (Tiramento di explosivo ariba manifestanten for di oficina di gobierno).

Language ofensivo e instigador di gobernantenan cu no ta

contribui na bienestar sino na detereoro di norma y balornan den un comunidad.

Arogancia, abuso y humiliacion sigur tambe ta simptonan di e actual gobernación.

E gritonan pa ayudo ta bin for di tur skina mustando e realidad doloroso cu hopi hogarnan ta confrontando.

E realidadnan aki no ta e fantasia cu Gabinete Oduber ta pretende di presenta na pueblo na un manera sutil.

Ta increíbel pa mira tanto indiferencia y negligencia di parti di gobernantenan pa cu un pueblo.

Partido AVP no ta presenta fantasianan sino solucionan concreto y realisabel pa e bienestar ni nos comunidad y ta dispuesto pa reconstrui loke Gabinete Oduber a destrui.

Benny Nisbet (PPA)

## PPA a lucha y lo sigui lucha pa Aruba inverti 6.5% di su G.D.P den enseñansa!

**CU** un cierto grado di sorpresa PPA a tuma nota di un presentacion di un ciudadano liga na Camera di Comercio, un sr. Maduro, cu a haci un estudio y un presentacion cu aki na Aruba gobierno di Aruba lo ta introduciendo solamente 4% di nos GDP den enseñansa algo cu segun norma internacional lo mester ta 6%.

Sorprendi cu ainda lo tin cierto ciudadano y/of gremio cu no ta na altura di e realidad aki. For di año 1999 e asunto aki ta un "issue" grandi den nos comunidad.

Partido PPA a scirbi sigur un 70 articulo riba e tereno aki den curso di e ultimo 8 pa 10 ana. Durante e periodo di 2001 pa 2005 cu PPA tabata representa den parlamento PPA a presenta varios mocion pa aumenta e 4% di nos GDP pa 6 of 6.5%.

Esaki lo a nifica e tempo ey en-

tre 60 pa 70 miyon "extra".

Lastimamente cu fraccion di MEP a rechasa e proposicion aki, cada vez cu PPA a presente.

Den programa di PPA pa eleccion 2005 "Progreso pa TUR!" den e capitulo di Enseñansa, riba pag. 3, PPA a publica e cifranan di inversion di respectivo gobernacionnan di AVP y MEP:

Ultimo añanan el a keda na algo menos cu 5% di nos GDP, algo cu den concepto di PPA no ta acceptable pa un sociedad manera di Aruba cu kier crece dunando Un y Tur e oportunidad igual door di un enseñansa completo.

Esaki den un esfuerzo pa splica henter nos comunidad... Arubano cu Aruba mester di un cambio pa loka ta formulacion di e presupuesto general di pais Aruba.

Pesey PPA su ponencia ta: "Enseñansa prioridad no. 1".

Lastimamente hopi den nos sociedad no a capta e mensahe importante aki.

Cu un sociedad creciendo, mester di mas inversion.... mester di inversion riba nivel di UNESCO, pesey PPA ta boga pa 6.5% di nos GDP worde inverti den enseñansa.

E wega di "goochel" cu cifra en vez di porcentahe manera hunga pa tanto AVP como MEP pa 22 año largo mester termina! Enseñansa mester ta prioridad no. 1 y e mensahe aki mester worde acepta pa tur partido politico den e arena politico Arubano.

Finalmente PPA kier a felicita e ciudadano/consehero di Camera di Comercio cu su presentacion y nos ta spera cu mas instancia capta e mensahe importante aki

## A pesar cu un grupo grandi di studiantenan ta caba Colegio cu puntonan bastante bon

Rector di Colegio Arubano ta indica cu resultadonan di studiantenan ta diferencia. E ta bisa cu por ripara cu e cantidad grandi ta caba cu puntonan bastante bon, pero no tin e briyo cu tabatin antes.

Segun Hector Kolfin antes tabatin grupo cu ta caba nan VWO cu cifranan hopi halto y awor esey ta birando menos, y cu HAVO ta mesun cos, pero te ainda tin hobennan cu ta score 9 y hasta 10 na final y otronan ta score 8.

Dunando un splicacion mas detaya, e ta bisa cu tin materi-anan den cual nan ta excelente, manera Spaño pa cual tin resultadonan tremendo dor di na promer lugar e esfuerzo grandi cu e docentenan ta inverti pa crea e resultadonan aki y tambe dor cu e hobennan ta gusta e materia y ta duna un empuhe grandi di nan banda pa score halto.

Di otro banda, tin vaknan cu tradicionalmente ta duna promedionan bastante abou. Tambe sa pa un gran parti dicon esey ta tuma lugar. Pero mas cu cuanto ta avisa e hobennan cu natuurkunde ta un materia cu ta duna resultadonan menos favorabel, cu economiey MNO ta duna resultadonan no desea pasobra e materi-anan aki ta dificil y complica, tog e atraccion pa scohe e vaknan aki ta hopi halto, pasobra hopi hoben kier logra algo den bida y nan tin mester di un di e vaknan aki p'esey. Esaki ta conduci cu mucha mas cu na Hulanda p.e. nos hobennan ta scohe natuurkunde. Esaki ta encera cu por ta sigur cu e cantidad di hende cu ta bai slaag aki na Aruba ta menos tambe, pasobra e promedio di natuurkunde ta bastante abou, rector di Colegio Arubano a indica.



Introduciendo e BlackBerry Red 8320 smartphone

# Digicel promete pa lanza e modelo mas nobo di BlackBerry

**MANERA** cu a bin ta sosodiendo masha durante e ultimo temponan aki, constantemente Digicel Aruba ta sali prome cu e ultimo modelonan di celularnan BlackBerry. E biaha aki esaki no ta un excepcion. Siman pasa e compania a lanza e ultimo modelo di BlackBerry Curve color cora. E gerente general di Digicel Aruba, esta Michelle Winklaar mes a presenta e modelo nobo aki na prensa.

“E ta forma parti di nos maneho di introduci modelonan di celular nobo. Nos clientenan ta existi esey di nos tambe, esta pa na un forma masha regular nos tin lo ultimo den nos tiendanan”, asina Michelle Winklaar a enfatisa. “E modelo nobo aki

ta bini cu un cantidad di posibilidadnan extra pa nos usuari- onan, cuminsando for di Wi-Fi te na un camara pa saca potret y filma mucho mas sofistica. E color cora ta haci e celular mas special tambe, pasobra awendia e modelonan nobo ta bini den diferente color”.

E modelo BlackBerry Curve RED ta bini como un opcion mas pa e usuario cu ta existi mas di djis un simpel celular, pa e usuario cu ta rekeri di ricibi su emailnan 24/7, di por download lo ultimo for di internet, di por tin su oficina den su saco hunto cune. Digicel a bini cu un oferta special como tarifa di introduccion cu ta mara na un contract di 2

aña, incluyendo yamadanan y mensahenan SMS gratis den un paquete total pa luna. Pa mas informacion mester pasa na un di e tiendanan di Digicel Aruba, situa den Marisol Building, den caya Betico Croes of riba L.G. Smith Boulevard den e edificio di ex-Licores Aruba.

“Un cos si, e cantidad ta limita, pasobra mescos cu e colornan di e BlackBerrynan aki, e ta *Red Hot*”, asina Winklaar a termina bisando cu un sonrisa grandi riba su cara. Riba e foto adunto por aprecia e gerente general di Digicel Aruba demostrando un di e modelonan di BlackBerry Curve color cora den e tienda principal di Digicel Aruba den Marisol Building.



**AWEMainta.com**

**Lesana Aruba y rond mundo**

**cu un averahe di 100.000 hits pa dia**



**Legneda**

**Miss Teen 2008 Tauro Stetic Center**

**SPONSORED BY:**

**AWEMainta**  
e corant di Toko

Photo & Design by Suhaila Alders



Conhuntamento cu Ford Motors Company

# R.E. Yrausquin & sons a regala carchinan pa Soul Beach Music Festival



“**NOS** ta masha contento di por a forma parti di un promocion grandi cu Aruba a haya den henter e area Caribense aki. E tabata un promocion grandi pa nos bateria Motorcraft, nos marca Ford y pa Aruba tambe”, asina Marcilla Yrausquin di R.E. Yrausquin & Sons a duna di conoce. E campaña “The Energy of the Sun” tabata pa clientenan di e autonan marca Ford cu ta usa e bateria marca Motorcraft pa haci un inspeccion di bateria gratis y cu nan a haña e oportunidad di gana un trip pa Aruba pa 5 anochi, incluyendo estadia den hotel y entrada VIP pa bay mira Soul Beach Music Festival den week-end pasa.

Pa nos aki na Aruba e premio tabata un poco diferente pa-sobra e ganadornan no mester biaha, pero asina mes clientenan di autonan Ford y bateria Motorcraft aki na Aruba tambe por a participa. E mesun campaña aki tabata core den henter Caribe na tur e agencianan di Ford Motors y den cada un mercado a saca un ganador di dos ticket pa bini Aruba. Separa di e campaña pa clientenan, Ford Motors a dicidi di core e



mesun campaña aki den forma di un incentivo interno pa tur e bendedornan di pieza di auto y “service-advisors” den cada un di e representantenan di Ford den henter Caribe. Bisando esaki, separa di e cantidad di clientenan cu lo gana premio, tin un cantidad di empleadonan di tur e agencianan di Ford den henter e area aki cu tambe a bishita Aruba pa Soul Beach Music Festival Aruba.

E campaña aki a cuminsa na Aruba desde luna di Maart na unda cu tur hende cu a pasa na R.E. Yrausquin & Sons pa haci un prueba gratis di nan bateria, sea cual sea e marca di bateria y cual sea e marca di auto, a haña un ticket pa yena y asina participa. Pa esnan cu tabatin problema cu nan bateria y cu a dicidi pa cambia pa e marca Motorcraft a haña un

descuento special di 10% riba nan bateria nobo. Motorcraft ta un di e poco marcanan cu ta duna te cu 3 aña di garantia riba bo bateria.

E cliente cu a resulta e ganador absoluto di e campaña “Don’t Miss a Beat” a resulta Emile Kock, mientras cu e empleado di R.E. Yrausquin & Sons cu a bay cu e premio tabata Eric Maduro. Riba e fotonan ad-hunto por aprecia momento cu Marcilla Yrausquin ta haci entrega oficial di e entradanan pa Soul Beach Music Festival y despues momento cu e feliz ganadornan a subi limousine y bay bishita Sinbad.

Nan tur a haña entradanan VIP pa goza di henter e fin di siman cu estadia paga den hotel y claro....cu yen di ambiente den Soul Beach Music Festival.





# Festival di Biña, Cuminda & Arte 2008 a presenta bunita exposicion

**OBRANAN** original di arte traha pa un cantidad di artista local a dorna e Grand Ballroom di Westin Aruba Resort durante e Festival di Biña, Cuminda & Arte 2008.

E exposicion a wordo coordina pa Gilbert Senchi, Stichting Oranjestad Kunsthuis, cu invitado special Sir Shadow, un artista unico di New York City. Durante e prome anochi di e

festival, e evento cu a combina biña y cuminda, Daniel Aguirre Jazz Band a entretene hunto cu e bunita cantante Lucre HoutmanEntre e artistanan cu ta exponiendo nan obranan na e festival ta figura Belinda de Veer, Silvio Bufalini, Grace Ashruf, Eliza Lejuez, Miriam de L'Isle, Mick Miller, Joe Mikojcik, Tep v.d Heuvel, Carole Maduro.






# Polis ta intermedia den problema entre ruman

**POLIS** ta bai diabierna mainta pa 10’or na un cas na Monserat pa un problema entre dos ruman. N’e cas polis ta papia cu e ruman homber S.J.R. naci na Santo Domingo di 17 aña. E ta bisa polis cu e tin problema cu su ruman homber mas grandi G.J.R. di 21 aña naci na Santo Domingo. E ta bisa polis cu e ta kedando na un cas di famia y como cu nan mama no kier a mira mas cu nan. E ta bisa polis cu su ruman homber ta acuse cu e ta usa su cosnan y ta dal’e. El a bisa polis cu e kier a mata su curpa y tabatin un cuchiu. Na momento cu e polis tabata papia cu e yiu, e mama a cana drencia. A resulta cu e mama a bai laga nan pa nan cuenta y no a cuida e ruman chikito, dor cu el a haya un homber


## Ora cu nan ta bao influencia, a cuminsa na tira boter, klap y batata riba polis

**POLIS** riba patruya diadomingo madruga pa 3.30, pasando banda di e hotzone na Royal Plaza ta haya su mes cu problema cu e hendenan cu tabata bao di influencia di alcohol. Nan a bai eynan pa un pelea. Ora cu polis a yega, un persona cu tabata den e nightclub Euphoria a benta un boter riba polis. Polis a bai mesora den e nightclub pa controla un ke otro. Ora cu nan a drencia den e lugar nan a haya un holor sterki di marihuana. Como cu e lugar tabata hopi druk, tabatin masha presion. Polis a sera tur e lugarnan den Royal Plaza. Pa 4.25 nan a bolbe tira un boter riba e polisnan. E biaha aki, e boter a bini for di Dunkin Donuts. Patruya a bai n’e grupo cu tabata sinta eynan, pero ningun hende no a bisa kende a benta e boter. E hobennan a bira masha onbeschoft contra polisnan y a perde respet. Polis a busca refuerzo y a core cu e hendenan for di e lugar. Despues nan a tira donderboos y tambe batata riba polisnan.

pa mantene y no tabata kier e muchanan cerca dje. Dor di esey a muchanan mester a bai biba cerca un famia. E mucha G.J.R. a bisa polis cu e mester a kita for di scol p’e bai traha pa mantene su mes. Ora cu polis a yega n’e sitio, e ruman homber grandi no tabata n’e cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403



“ Señor ta mi luz y salvacion. “  
Salmo 27 : 1  
Cu honda pena pero conforme cu boluntad di Dios, nos ta anuncia fayecimento inespera di :  
**Sra. Gabriela Vrolijk**  
Miho conoci como “Dela” of “ Tandè”  
\*25-03-1937 †22-05-2008

Na number di su :

Rumanan :

† Bernardo Vrolijk y † Engracia Webb  
Esteban y Francisca Vrolijk  
Margo y Alberto Penja – Vrolijk y famia.  
Polita y Jeronimo Loefstop –Vrolijk y famia.  
Felipe y Clarines Vrolijk Giraldo Lopez y famia.

Tantanan :

Ernestina Ridderstap  
Carolina Ridderstap.

Sobрино y Sobrinanan :

Marlyn y Ruben Krozendijk-Penja y famia  
Robertino y Esther Penja Luidens y famia.  
Magaly y Junior Martinus-Penja y famia.  
Ivan y Jackelyn Penja-Croes y famia.  
Irvin y Evelyn Penja-Bremo y famia  
Rona y Sixto Maduro Loefstop y famia.  
Renato Loefstop  
Eugenie y Oscar Boekhoudt-Loefstop y famia  
Junior y Maribel Vrolijk-Paredes y famia  
Mireya y John hairo Castañeda-Vrolijk y famia.

Famia :

Vrolijk , Loefstop, Martinus, Penja, Giraldo, Krozendijk, Ridderstap, Wernet Fingal, Kock, Croes, Maduro,Boekhoudt, Bremo, Martinus, Webb, Calderon Luidens, Albus,Paredes -Castañeda, Willems, Werleman, Leo, Navas, Vlinder Medina, Kransen, De Cuba, Tromp,primo y primanan.

Amiga di cas :

Chia Leo  
Theresita Johnson.


Nos kier a pidi nos disculpa si den momentonan di nos tritesa nos por a lubida un of Otro famia.  
Despues di entiero nos no ta recibí bishita di nos cas.

Adres pa Condolencia:

Macuarima # 102  
7 or pa 9 or di anochi, Diabierna 23-05-2008, Diasabra 24-05-2008, Diadomingo 25-05-2008.


Acto di entiero lo tuma lugar Dialuna 26-05-2008 pa 4’or di atardi saliendo for di Misa Inmaculada Concepcion na Sta Cruz y despues pa Santana Catolico na Sta Cruz. E resto mortal ta reposa for di 12’ or di merdia na Aurora Funeral Home y despues 2’or na Misa Inmaculada Concepcion .

Nos ta lamenta cu despues di entiero nos no por recibí bishita di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

“ Cerca Dios Só mi alma ta na paz  
Ta di Dje mi salvacion ta bini”



Cu inmenso tristeza na nos curazon,pero agradecido pa tur Locual el a significa pa nos , nos ta participa fayecimento Di nos yiu,ruman, nieto y sobrino stima :  
  
**MARVIN JONEAL MADURO**  
\*03-06-1977 † 22-05-2008

Na number di su :

Tata :

Arie Maduro

Mama :

Martha Maduro

Rumannan:

Jarie Maduro y Jean  
Carla Rosaria  
Jill Maduro y Carliani Croes

Welanan :

Valentina Maduro  
Lucia Geerman Croes y Esposo Roy Geerman

Tanta Stimà :

Silvia (chiba) Dirksz y yiuinan

Omonan :

Frenkie Maduro y yuinan  
Robby Maduro y Esposa Jacky y yuinan ( New Jersey)  
David Dirksz y Esposa Annie  
Eric Geerman y Gina Kock y yuinan

Primo y Primanan :

Danny y Gregg Maduro (New Jersey)  
Kenkie, Mike y Robert Maduro  
Jazmin Rios na Colombia  
Rayoneal y Danielle Geerman.

Su Primo y Prima cu ela stima manera rumannan:

Chris y Nicole Dirksz  
Tur su acto primo y acto primanan.  
Specialmente :  
Mireila Lopez  
Mayra Lopez  
Roboam Croes  
Mariela Solognier Maduro,Esposo y yuinan.

Omo y tantanan grandi :

Dina Maduro y yuinan  
Sira Maduro y yuinan  
Chanita Peña y yuinan  
Florinda Winterdaal y yuinan (Na Hulanda)  
Chibin Dyster y Esposo  
Sita Werleman y Esposo y yuinan  
Aida Croes y yuinan  
Bertha Wolff Esposo y yuinan  
Chinto Croes Esposa y yuinan  
Ailene Tromp Esposo y yuinan  
Esy Dirksz Esposa y yiu  
Reginita Michaud y Esposo  
Glenda Croes y yiu  
Betty Croes y yuinan  
Ily Croes y yuinan  
Maria Croes y yuinan  
Lilian Besselink y yuinan

Madrina :

Mayra Lopez

Padrinonan :

Frenkie Maduro – Edsel Pietersz

Su amigonan :

Siegfried, Joel, Leo, Oswaldo y tur su otro amigonan Y amiganan.  
Su ex coleganan di DINA

Famianan :

Maduro, Dirksz, Croes, Geerman, Vrolijk,Rosaria Werleman,Davenpoort, Kusomobroto, Solognier Kock, Dyster,Wolff, Tromp, Peña, Michaud, Winterdaal Besselink, Lopez, Pietersz.

Disculpa nos si den nos tristesa nos por a lubida un of otro famia. Nos kier a invita tur e hobennan di H.H. y tur encuentristanan di Pro famia feliz.

Adres pa Condolencia :

Rooi Bosal # 47-B

Orario:

Di 7’or pa 9’or pm.

Ta invita tur famia, amigo, bisiaña- y conocirnan pa asisti na e acto di entiero cual ta tuma lugar Diaranzon dia 28 di mei 2008 pa 4 or di atardi saliendo for di misa Inmaculada Concepcion na Sta.Cruz y despues pa Santana Catolico Pastor de Vries.

Nos defunto stima ta reposa for di 2’or di atardi den misa Inmaculada Concepcion na Sta. Cruz.



## Recherche ta detene ladron y pone den boei

**CENTRALE** Post ta manda polis di Noord pa yuda Recherchenan pa detene un ladron. Ora cu polis a yega pa 2.45 di madrugada nan ta topa cu e Recherche ya tabatin e homber Weso, R.A.Y. naci na Aruba di 39 aña, cu su mannan den boei. Polis a tume over y a bai cune pa warda di polis. Mirando cu e tabata cu un auto Mitsubishi Lancer cora, polis a hibe Warda di Polis na Santa Cruz.


## 25 Boet duna pa velocidad halto

**POLIS** diabierna merdia entre 11' or pa 1'or di merdia, a tene control riba velocidad halto. Polis a para na altura di Joe Laveist Ball Park den Pastoor Hendrikstraat. Polis a duna un total di 25 boet n'e chofernan cu a core cu velocidad halto.

## Homber ta cai for di bicicleta y herida su mes

Un homber ta yama Warda di Polis di Noord y ta informa nan cu el a cai for di di bicicleta y a herida su mes den Saliña. E no a bisa polis den cual saliña el a cai y a pone cu polis mester a busca den diferente saliña.


Despues di basta rato polis a bai na altura di Malmok y a topa cu e homber O.C. naci na Aruba di 52 aña. El a bisa polis cu el a cai for di bicicleta y a probablemente el a kibra su weso di we'a di funchi. Ambulance a bin n'e sitio y a hibe poli pa tratamento.  
(+foto den file: babybeach)


**AD PATRES**  
 funeral home

van Rensselaerstraat 2      Tel.: (294) 584-2299  
 San Nicolas - Aruba      584-8413  
 E-mail: adpatres@setarnet.aw      Fax: (297) 584-2266

“Señor ta mi wardador, mi n'tin falta di nada;  
 Den cunucu di yerba berde, E ta ponemi sosega.  
 E ta hibami na awa tranquil, pa mi bolbe haña forsa”  
 Ps. 23:1,2,3

Cu hopi tristesa na nos curazon, nos ta anuncia e fayecimento inespera di:



**Melinda E. Jimenez- Halman**  
 16 December 1963 – 20 Mei 2008

**Na number di su:**  
**Esposo:** José Rangel Jimenez-Paris  
**Yuinan:** Ivan Peterson y Janice Arends y Yuinan na St. Maarten  
 Giovanni Peterson y Cindy Clark  
 Melissa Ras y Daryll Thiel  
 Javier Jimenez  
 Jahir Jimenez

**Nietonan:** Donovan y Jaydon Peterson na St. Maarten  
**Mama:** Faustina Halman  
**Suegra:** Theodora Paris na Venezuela  
**Wela:** Marianne Halman-Cannegieter  
**Rumannan:** Rolando Halman y yui  
 Eugenio Halman  
 Feliciano (Buchi) Halman y Zulay Bermudez y famia  
 Felicia Halman y yui  
 Virgilio Gumbs y Yocaty y famia  
 Mario Pestana de Agrela y famia  
 Maria Pestana de Agrela y famia  
 Gorgina (Gina) Pestana de Agrela y famia  
 Manuel (Kito) Pestana de Agrela y famia  
 Rosa Pestana de Agrela y famia

**Swa y Cuña:** Marlenis Jimenez y famia na Venezuela  
 Belkis Jimenez y famia na Venezuela  
 Carmen Jimenez y famia na Venezuela  
 Nilda Jimenez y famia na Venezuela  
 Milagros Jimenez na Venezuela  
 Francisco Jimenez y famia na Venezuela  
 Abraham Jimenez na Venezuela

**Omo:** José y Elma Halman y famia na New York

**Sobрино y Sobrinanan:** Felicia, Sandro, Shawn, Jaimi, Diane, Kaylan, Eugene, Jean-Pierre, Lissandro, Marjolene, Kemal, Zuliani, Kiani, Sander.


**Comer y Comper:** Rosa Delgado y Cheo Delgado  
**Amiganan/amigonan:** Leng Croes, Sandra Dijkhoff, Karin Tromp, Silvia v/d Biezen, Eddeline Dijkhoff, Milda Arends, Marina Thiel, Ina Maduro, Donna Gomez, Hyacinth Frazier, Irma Wilson, Malcolm Cooper, Melvin Tromp, Kevin Hodge.


Primo y Primanan, Ihanan, Amiga y Amigo-nan.  
 Coleganan di E.P.I. sector Ecomonico y sector Horeca, Club di Movimiento y Washington Baby Lifida.

**Famia:** Jimenez- Paris, Halman, Peterson, Ras, Cannegieter, Gumbs, Cooper, Pestana de Agrela, Arends, Thiel, Clark, Donker, Krythoff, Laveist, James, Jacobs, Marshal y demas famia na Venezuela, St. Maarten, Hulanda, New York, Curacao, St. Croix. Despensa nos cu si den nos tristesa, nos por a lubida un of otro famia.

Ta invita tur amigo, bisiña y conocirnan pa asisti na e **acto di entierro** cual ta tuma lugar **Diarason 28 di Mei 2008 pa 4or** saliendo for di **Misa Santa Teresita pa santana Central na Sabana Basora**.  
 E resto mortal di Melinda Jimenez-Halman lo ta reposa for di 12'or di merdia na Ad Patres Funeral Home y pa 2'or na Misa Santa Teresita na San Nicolas.

Nos ta pidi pa tur hende bin cu colornan alegre bisti.


**Mementomori Funeral Home N.V.**  
 Yolanda - Leo - Eugene  
 Tel: 5833358 - Fax: 5837711




**Invitacion.**

“ E dolor ta hopi grandi,  
 pero un dia nos lo ta hunto pa eternidad  
 y e sonrisa lo permanece pa semper.”

Pa medio di esaki nos kier a invita tur famia, amigo, bisiña y conoci pa asisti na 3 santo sacrificio di misa na memoria di nos defunto stima:

**Sandy Patrick Antonio**  
**“Sander” Brete**

Dialuna 26 diarazon 28 y diabierna 30 di mei 2008 tur tres pa 7'or di anochi na Misa Santa Anna na Noord.  
 Boso presencia lo ta altamente aprecia.



**CONVOCACION**  
 E Organizacion di Enfermeronan di Aruba  
**O.D.E.A**  
 ta extende un cordial invitacion  
 na tur miembro pa atende e

**REUNION GENERAL DI MIEMBRONAN**


Fecha: dialuna 26 mei 2008  
 Lugar: A.T.I.A.-Building (Pedro Gallejostraat)  
 Ora: 7:00 p.m.- 9:00 p.m.

Puntonan di agenda :

1. Apertura
2. Participacion
3. Relato Financiero
4. Relato di e periodo cu a transcuri
5. Plannan pa futuro
6. Turno Liber
7. Clausura

Boso presencia na e reunion ta di sumo importancia pa determina e rumbo nobo di ODEA y prepara pa elehi e directive nobo dia 12 di juni 2008.  
 Directiva di ODEA  
 Howard Maxwell  
 President





STICHTING VOOR VOLKSHYGIENE VAN

**Het Wit Gele Kruis Aruba**Sinds 1959 ten dienste van de Arubaanse gemeenschap  
Tel: 5824444/ Fax: 5824411**INFORMACION PA HENDE CU TIN SUGU!**

Diabetis ta un malesa cronico; esey ta significa cu diabetis no ta curabel, pero ta posibel si pa trata e malesa aki.

E persona mas importante pa un bon tratamiento di diabetis ta bo persona mes!

Bo por siña maneha diabetis na un manera satisfactorio.

Bo ta sinti bo mes mas mihor y e riesgo pa haya complicacionnan di diabetis lo bira menos!

**PA MAS INFORMACION : 582-4444****B&P/ INTERFACE ARUBA N.V.**  
TRAINING AND CONSULTANCY

We are pleased to announce our training schedule for the month of April and May 2008. We can also provide these trainings as, customized In-Company training.

- **Supervisory Skills** (Starting May 19)
- **The Power of Marketing** (Starting May 14)
- **Practical Management** (Starting May 19)
- **Human Resource Management** (Starting May 21)
- **Leadership in Business** (Starting June 5)



For additional information and registration please contact us at  
Telephone 594-5533 / 587-7850 or Fax number 587-6011.

Email: [bpinterfaceau@setarnet.aw](mailto:bpinterfaceau@setarnet.aw) Web Site: [www.bpinterface.com](http://www.bpinterface.com)

**UPGRADING PEOPLE IS OUR BUSINESS!****AD PATRES**  
funeral home

van Rensselaerstraat 2  
San Nicolas - Aruba  
E-mail: [adpatres@setarnet.aw](mailto:adpatres@setarnet.aw)

Tel.: (294) 584-2299  
584-8413  
Fax: (297) 584-2266

**Pensionistanan di Lago**

Established May 22, 1971

**Centro Parokial Brazil, Brazil, Aruba**

Cu tristesa nos ta anuncia fayecimento di

**Al Hilario Bislip**

Na bida Tesorero di nos  
Organizacion

Cu Dios tuma Hilario den su  
Reino



Nos ta desea e famia forza na e momentonan  
dificil aki.

**Servicio pa Comunidad****Telefon di Emergencia**

Number di emergencia	911
Polis	100
Brandweer	582-1108
Ambulance O'stad	582-1234
Ambulance S.N.	584-5050
Hospital	587-4300
Centro Medico	584- 8833

**Botica na Warda**

Pabou di Brug: Botica Aloe  
Pariba di Brug: Botica Noord

**Dokter na Warda**

Pabou di Brug: dr. John Croes  
Pariba di Brug: dr. Eugenius Boderie

**Otro Servicionan**

Setar Info	118
Digicel Info	145
Setar	582-5151
Elmar	582-3700
WEB	525-4600
Serlimar	584-6456
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund. Muher	
den Dificultad	583-5400
Fund. Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

**Polis**

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	585-4710
Noord	587-0009
Strandpolitie	586-3003
Balashi	585-2500
Aeropuerto	582-4800
Aruba Transfer Tour & Taxi	
	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

EDITA PA: The Media Group,

Margrietstraat 3, Oranjestad, Aruba, tel.

(297) 583-1400, fax. (297) 5831444,

E-mail: [mediagroup@setarnet.aw](mailto:mediagroup@setarnet.aw).

CUENTA DI BANCO: C.M.B. #229-

82600. BENTA LOS Afl 1,50.

ABONEMENT Afl.35,00 pa luna.

ORA DI OFICINA: Dialuna pa Diabierna

8 a.m. - 5 p.m.

IMPRESA: Imprenta Nacional Arubano.

DIRECTOR: Victor i Toko'i Winklaar &  
Victor R Winklaar.REDACCION: [noticia@awemainta.com](mailto:noticia@awemainta.com).BENTA DI AVISO:  
[sales@awemainta.com](mailto:sales@awemainta.com)**Resultado di Loteria****LOTTO CATOCHI**

DIASABRA 24 DIADOMINGO 25

6650 1113  
8047 4866  
240 3783

**ZODIAC**

DIASABRA 24 3600 Tauro  
DIADOMINGO 25 9935 Virgo

**BIG FOUR**

DIASABRA 24 DIADOMINGO 25

9869 5032

**SUPER FOUR**

DIASABRA 24 DIADOMINGO 25

0244 5925

**Sto. DOMINGO**

5674

6014

7480

LOTTO PA DEPORTE 08-15-18-23-28 letter **F**Joker **17**

LOTTO DI DIA 03-09-13-14-20

LOTTO FLORIDA

19-30-36-41-44-52

**DIARIO**

DIASABRA 24

DIADOMINGO 25

4145  
2651  
4852

9340  
1229  
9376

**CORSOW**

DIASABRA 24

DIADOMINGO 25

2209  
6232  
9296

1648  
1904  
0137

**su | do | ku**

© Puzzles by Pappocom

**Instruccionnan di wega** Completa e tabel (cu 9 cuadra) di 81 hoki dividi den 9 rij y 9 colom, yenando e hokinan bashi cu e numerbnan di 1 te 9, sin ripiti ningun cifra den cada rij, ni den cada colom, ni den cada cuadra.

		2						1
		9			4			7
4	1				6		3	
7	4	5	3		8			
		1				5		
			1		5	9	8	4
	7		2				5	6
2			6			7		
3					1			

EASY

# 1

		7				5		
	4			5			8	
5		1	8		4	9		7
1			9		5			3
4			6		2			1
6		4	3		8	7		9
	5			6			2	
		8				4		

MEDIUM

# 2

# 1	8	6	2	7	5	3	4	9	1
	5	3	9	8	1	4	2	6	7
	4	1	7	9	2	6	8	3	5
	7	4	5	3	9	8	6	1	2
	9	8	1	4	6	2	5	7	3
	6	2	3	1	7	5	9	8	4
	1	7	4	2	8	9	3	5	6
	2	5	8	6	3	1	7	4	9
	3	9	6	5	4	7	1	2	8

# 2	3	8	7	2	9	6	5	1	4
	9	4	6	7	5	1	3	8	2
	5	2	1	8	3	4	9	6	7
	1	7	2	9	8	5	6	4	3
	8	6	9	1	4	3	2	7	5
	4	3	5	6	7	2	8	9	1
	6	1	4	3	2	8	7	5	9
	7	5	3	4	6	9	1	2	8
	2	9	8	5	1	7	4	3	6





# FOCUS RIBA FAMIA

Libertad y respet

Un hende a yega di bisa cu si bo ta stima algo masha hopi mes, lag'e bai. Si e bin bek cerca bo, e ta dibo pa bida largo. Si e no bin bek, pa cuminsa nunca e tabata dibo.

Ora ta trata di relacionnan romantico, algun individual ta bira asina motiva pa haya un hende pa stima cu nan ta cuminsa viola principionan bon conoci di libertad y respet den interaccion humano. Esey ta mescos cu apunta un slang di awa riba un candela.

Mi a tende di un hoben cu tabata determina pa gana e afecto di un chick cu te hasta a yega di nenga pa top'e. E yoncuman a dicidi cu e caminda pa corazon di e chick ta pa medio di post, asina ta, e'la cuminsa scirbi carta tur dia. Ora e no haya contesta e ta aumenta su frecuencia te cu 3 nota cada 24 ora. Na tur e'la scirbi mas di 700 carta, y como resultado di esey, e chick a casa cu e partido di carta.

T'asina e sistema ta traha. Aparenta demasiado ansioso y demasiado disponibel, por cierto ta aleha hende envez di atrae nan den un relacion di compromiso.

Amor romantico ta un di e esfuerzonan raro humano cu tin miho exito ora e ta requeri menos energia. Y corda cu respet ta prome cu amor, y cu relacionnan constantemente ta worde poni na prueba pa amantenan cauteloso cu ta gusta grawata e haas prome cu nan guli e anzué.

## PANADERIA DEL PUEBLO



Guyabastraat 4, Dakota Tel: 582 4748



## Polis cu hopi problema durante fin di siman den Hotzone

**POLIS** a cuminsa diasabra 1.30 di madrugada cu basta problema. Durante patruya, nan tabata tende un homber ta grita. Polis a bai cerca dje y a bise p'e comporta su mes.

El a rabia y a cuminsa insulta polis. Mesora polis a bai cerca e muchanan den e grupo, pero ningun hende no tabata sa ta cual tabata gritando. Polis a core cu e grupo di e sitio.

E homber J.F.P. naci na Aruba di 35 aña, kende tabata bao di influencia di alcohol a pone boca grandi conta polis y a bisa nan cu e no ta kita di eynan y ningun hende no por kite.

Despues polis a topa cu e homber G.R. naci na Aruba di 22 aña, sinta riba vlur, pero sin camisa. Polis a bise diferente biaha p'e bisti su camisa, como cu no por cana lomba sunu riba caya.

Despues di basta rato, el a dicidi di bisti su camisa y a lanta y cana bai n'e otro banda di caminda. Ora cu el a yega eynan, el a bolbe kita su camisa. Mirando cu e no ta obedece ordo di polis, nan a detene y a hibe sera, unda el a haya un cuarto gratis.

Pa banda di 5'or di madrugada, polis a bolbe haya nan cu problema cu un persona, na momento cu nan tabata coriendo cu un grupo di persona cu tabata coriendo un maraton. Dilanti di e bromernan di polis tabatin un auto, den cual tabatin 2 homber cu nan curpa saca pafo di e auto y tabata yama e polisnan pa cacho di Gobierno.

Polis a para e auto y a baha e hendenan for di e auto. E homber G.A. B. naci na Aruba di 34 aña cu tabata den e auto a baha y a bira masha agresivo. E kier a agredi e polisnan y a kita petchi y bril. E tabata basta burachi.

Polis a bise cu e no mag ofende hende y a keda trankil, pero enbes di esey el a bira mas agresivo. Polis a papia cune y a bai pa tene, pero el a perde equilibrio y a cai. El a bisa polis cu e ta traha na radio y lo bai haci un issue di esei.

Polis a mustre cu e tin derecho di haci esey, pero e no tin derecho di stroba trabao di polis.

## TIPO DI CAMBIO OFICIAL Valido pa 26 mei 2008

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.78	1.80	1.82
Engelse Pond Sterling	3.47	3.52	3.58
Zwitserse Frank per CHF. 100	173.09	173.81	174.61
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	170.48	172.04	173.77
Euro per XEU. 100	277.84	280.37	283.19



Provision di Devisa 1.3%  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambianan di placa extranhero.

**BANCO DI CARIBE**  
Nos ta honra Bo confianza

## Horoschoop

	<b>Aries</b> 21 Mrt - 20 Apr	Bo finanzanan lo lanta y lo bo goza di mayor libertad personal. Lo bo por haci algun gasto y regala bo mes algo cu pa hopi tempo pasa bo lo kier tin.
	<b>Tauro</b> 21 Apr - 20 Mei	Un superior tin un influencia desagradabel den bo awe, bo mester ta mas firme y laque sa loke bo ta opina.
	<b>Geminis</b> 21 Mei - 20 Jun	Wakrond di boy descubri tin alternativanan na bo patronchi scohi. Lo bo wak cu si!
	<b>Cancer</b> 21 Jun - 20 Jul	Bo condicion economico ta mantene y panorama a largo plazo ta saludabel y lo yudabo na considera posibel cambianan di carera cu un optica mas serio.
	<b>Leo</b> 21 Jul - 20 Aug	Ora bo papia cu otronan riba bo plannan, soñonan, speranzanan y inseguridadnan bo ta haciendo algo util na fabor di adopta un enfoke corecto den e periodo dificil aki di transicion.
	<b>Virgo</b> 21 Aug - 20 Sep	Awe ta bo ultimo chens di realiza e proyecto cu bo ta stima y cu a forma parti di bo soñonan pa hopi tempo.
	<b>Libra</b> 21 Sep - 20 Okt	Un decision importante relaciona cu propiedad por tin un gran impacto den finanzas. Bo mester bai na fondo pa e proyecto realiza.
	<b>Scorpio</b> 21 Okt - 20 Nov	Frustracion of inseguridad den bida profesional ta bira evidente. E causanan mas profundo di e sentimentonan ey ta refleha den bo soñonan.
	<b>Sagitario</b> 21 Nov - 20 Dec	Bo a bin ta prepara pa un decision importante. No pura y si ainda bo no ta sigur, pidi mas informacion.
	<b>Capricornio</b> 21 Dec - 20 Jan	Planetanan ta duna un push na bo carera, nan ta na bo banda y lo yudabo actua.
	<b>Aquarius</b> 21 Jan - 20 Feb	Bo por haci plannan fascinante di biahe si bo uni cu un amigo of colega y ta planea un biahe hunto.
	<b>Piscis</b> 21 Feb - 20 Mar	Bon dia pa placa di spaar, asuntonan di propiedadnan. Sigur e decisionnan cu wordo tuma den e areanan ey lo duna nan dividendonan mas laat.



## E Potret di Dia

noticia@awemainta.com



Berck, FRANCIA: Un homber ta bula su flie na e beach na Berck-sur-mer, den e norte di Francia durante e di 22 Encuentro Internacional di flie.

## Nos Mundo Loco

### Car wash ta haya hanger di diamante di \$500,000

Labadornan di anuto na un compania Russo a haya un ospresa ora nan tabata limpia un stofzuiger e siman aki y a haya un hamger di diamante balora na \$500,000.

"Mi no tabata sa cuanto e tabata bal na prome instante, dus mi a haya un joyero pa bini y ela bisa cu e ta bal \$500,000," Vladimir Shaprio, doño di e compania na e ciudad di St. Petersburg na Russia a bisa.

"Ora mi a tende e balor, mi boca a habri te na vloer," ela bisa. "Bo mester a nota si bo a perde algo asina."

Ela bisa cu e lo no bisa mucho di e hanger pa asina e por regresa e hanger na su berdadero doño.

### Disculpa pa duna luz den baño di hospital

Egobierno di Chile diamars a pidi disculpa publicamente despues cu un muher a ser forza na duna luz den e baño du un hospital publico.

Bernadita Vega di 37 aña, for di Peru, a yega na e hospital publico na e capital Santiago cu contraccionnan y dolor laat dialuna nochi, y a warda 2 ora pa un dokter por a mire.

Despues di tur esaki su partner a yude duna luz na un baby homber den e baño di e hospital.

"Nos ta hopi tristu di loka a tuma logar y hopi preocupa over di e incidente increibel aki, y nos lo tuma e pasonan apropia, "e minister si salubridad Maria Soledad Barria a bisa.

"Nos mester haya sa kiko a pasa den e hospital aki y pidi disculpa for di e familia," ela añadi.

# ODEA rumbo pa un era nobo

## Preparacion pa eligi un directiva nobo

**DIRECTIVA** di e Organisacion di Enfermeronan di Aruba ta recorda tur miembro, dunado di cuido, docente y pensionadonan riba e reunion general cu lo tuma lugar awe nochi den e facilidad di ATIA cuminsando pa 7'or di anochi. Un reunion sumamente importante y cu e fin pa trece cambio den e structura di e organisacion. A bira tempo pa para hunto cu ODEA pa logra e cambionan desea. Pa varios aña e trahadornan den cuido, y den cuido social ta sinti cu nan no ta representa den ODEA. Ya caba a haci cambio den e estatutonan pa nan por participa! Actual proposicion ta pa incorpora tambe e studiantenan den e organisacion pa nan por

cuminsa reuni y intercambia riba nan future profesion. No ta descarta e vos di esnan cu a sirbi nos comunidad den enfermeria pa hopi aña, esta e pensionadonan. Laga nos bin hunto den e facilidad di ATIA awe nochi y haci e prome paso na cambio, rumbo na un era nobo. E directive nobo di ODEA tin hopi reto su dilanti. Participacion na e Conferencia di Caribbean Nurses Organization na Guadeloupe den luna di juli e aña aki pa asegura Aruba como CEDE di e Conferencia na 2010. Preparacion y ehecucion di activiadnan relaciona cu e celebracion di 20 aña di existencia di ODEA. Dialoga y intercambia cu Gobierno pa un representacion di enfermeria den cuido di salud

primario. Esaki ta djies algun di e retonan cu e directiva nobo lo enfrenta.

Cada professional den enfermeria ta posee un fuente di conocimiento cu nan ta aplica den practica di cuido di salud. Den e sentido aki nos ta posee un potencial humano y nos tin e capacidad pa desaroya esaki. ODEA ta considera cu e ambito di nos campo mester agrega e retonan den e escenario nobo den function y rolnan, e rol autonomo y e rol di colaboracion cu cada professional den enfermeria mester eherce. E futuro autentico ta depende di esaki pa crece den autonomia y incorporando actitudnan propositivo cu ta haci posible

e desaroyo di competencia, siendo e fruta di nos conocimiento (sa), actitud (kier haci) y habilidad (sa con pa haci). Ta pa tal motibo cada miembro individual mester transforma su manera di pensa y realisa cu ta su compromiso profesional y nos compromiso colectivo ta loke mester ta evidente y cu un sentido di responsabilidad garantiza produccion, posibilidadnan integral y element indispensable pa desaroya e conocimiento di enfermeria y e politica di salud publico.

Durante e anochi di reunion general ta inicia e proceso di candidature pa e directive nobo. Percura pa bo tey!. ODEA ta conta riba bo!.



# Pa un Tempo Limita Desde awe tin un sabor di biña di California y carni'porco di Merca na Sunset Grille Restaurant



**SUNSET** Grille, Radisson Aruba Resort Spa & Casino su restaurant cu ta AAA 4-star rated, a ricibi un menu gastronomico special cu lo wordo sirbi di dia 26 di mei pa 6 di juli, 2008, y cu ta conta cu tremendo platonan Mericano signatura di carni'porco, como tambe veal, carne y quail.


E evento unico aki di Wine & Dine ta e obra maestra creativo di e ekipo di cushina na e restaurant, bou lidrazgo di e chef di restaurant, Maarten Smeets.

Pa haci e menu berdaderamente inolvidabel, un variedad di biña di Kendall-Jackson Winery y Wente Vineyards a wordo combina expertamente pa Govert van der Hout, di Arion Wine Company.


E sabor di biña di California y carni'porco Mericano na Sunset Grille Restaurant ta posibel danki na US Meat Federation, y US Pork, cu continuamente ta lucha pa promove produccion Mericano na chefnan rond mundo, extendiendo e presencia global y atraccion di platonan Mericano preferi. Arion Wine su Gerente di Benta y Mercadeo, Martrude Rutgers, ta raporta cu tanto Kendall-Jackson Winery como Wente Vineyards lo ofrece nan seleccionnan mas popular den glas of den boter. E seleccionnan ta wordo sirbi den glasan di sampler pa asina e bishitantenan por purba e variedad di biña cu nan diferente platonan.

Rachel Noordermeer, Director di Food & Beverage na Radisson Aruba Resort, Casino & Spa ta splica cu e restaurant ta habri pa cena tur anochi di 6 p.m. pa 11 p.m., y cu e famoso cuminda di spa di Sunset Grille tambe ta obtenibel.

Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403



**MARGARITA MATA**  
**MIHO CONOCI COMO "Margo"**  
**\*18-11-1943 † 24-05-2008.**



"Si, bendishon i bondat ta kompañia mi tur dia di mi bida.  
Lo mi biba den kas di Señor henter mi bida largo"

**SALMO 23 :6**  
Cu inmenso tristesa na nos curazon pero agradecido pa tur locual e a significa pa nos

Nos ta participa fayecimento di nos Mama, Wela, Ruman y Tanta stima:

**Na number di su :**

**Yuinan :** Armando Bulos y Hilda Croes y famia  
Yamila Bulos y Richard Kloss y famia ( usa)  
Nathascha y Reynaldo Maldonado Jr. y famia


**Nietonan :** Raiza Yamila Kloss y Reynaldo Antonio Maldonado

**Rumanan na Venezuela :** Ruperto Mata y famia  
Chucho Mata y Dorina Mata Berbin y famia  
Jovito Mata y Hilda Mata Lares y famia  
Hipolito Mata y Hilda Mata Marcano y famia.  
Sobrinonan y Sobrinanan.

**Famianan y conocirnan na Aruba :** Rodulfo, Mata, Maldonado, Bulos, Roos Habibe, Croes, Henriques, Slagt, Garie, Kloss, Marcano y Especialmente su bisñanan di Madiki kavel y su grupo di oracion y su ex coleganan di trabao y staff y personal di San Pedro.

Disculpa nos si den nos tristesa nos por lubida un of otro famia.

**Adres pa condolencia :** Aurora Funeral Home, Cumana # 76  
7 or pa 9 or di anochi  
26-05-2008.



**AD PATRES**  
funeral home


van Rensselaerstraat 2  
San Nicolas - Aruba  
E-mail: adpatres@setarnet.aw

Tel.: (294) 584-2299  
584-8413  
Fax: (297) 584-2266

"Lagrima y flornan por seca pero bo imagen y recuerdonan lo keda semper bibo den nos memoria."

Cu Honda pena, pero conforme ku Dios su boluntad, nos ta anuncia fayecimento inespera di nos esposo, tata, ruman y welo stima:

**Hilario Bislip**  
**Miher conoci como: "Al"**  
**Ex-empleado di Lago y Bushiri Hotel**  
**14 Januari 1933 - 23 Mei 2008**



**Na number di su esposa:** Fransisca, Ika, Bislip-v.d.Linden

**Yuinan:** Donna Bislip  
Corina Bislip

**Nieta y nietonan:** Stephany, Mark, Jonathan

**Rumanan:** Vda. Ada de Cuba Bislip y famia  
Nicolina Bislip  
Marcela y Dennis Canhigh Bislip y famia  
Sixto y Emmy Bislip Arends y famia  
Rudolf y Rubia Bislip Silva y famia

**Swa y cuñanan:** Chico v.d.Linden y famia  
Chichia y Bubú de Cuba v.d. Linden y famia  
Buchi y Bea v.d. Linden y famia  
Fabia v/d Linden y famia

**Manera ruman:** Grace de Cuba

**Tanta:** Bebe Croes Maduro y famia

**Mama di su yuinan:** Mary Peterson  
primo y primanan, ihanan, comer y compernan, bisinan, ex-coleganan, grupo di oracion Jeus misericordioso, grupo Flor di Violeta, directiva y miembronan di Lago Annuity Foundation,

Ta invita tur amigo, bisina y conocirnan demas pa asisti na acto di entierro, cual lo tuma lugar Diamars, 27 di Mei pa 4'or di atardi na misa Sagrado Curazon na Savaneta y despues saliendo pa santana Catolico na Savaneta. E restonan mortal di Hilario lo ta reposa na misa Sagrado Curazon for di 2or pa 4or pm.

**Adres, dia y ora pa condolencia:** Ad Patres Funeral Home, Sanicolas  
Dialuna, 26 di Mei - di 7'or pa 9'or di anochi.

Lo tin un box disponible den misa pa donacion pa grupo Flor di Violeta

Nos ta lamenta cu despues di entierro nos lo no por ricibi bishita di condolencia na cas.



# Celebracion di e di 60 aniversario di e establecimiento di Estado di Israel

**WESTIN** Aruba Resort tabata anfitrión di e celebracion di e di 60 aniversario di e establecimiento di Estado di Israel, organiza pa comunidad Hudiu di Aruba, cu invitado special, e Embahador di Israel na Venezuela, Shlomo Cohen y su casa, kendenan a bishita e isla na ocasion di e fiesta.

E evento na Westin Aruba Resort a wordo organiza pa Martha Lichtenstein, Consul Honorario di Israel na Aruba. E evento a cuminsa cu Aruba Dushi Tera y Hatikvah, cual ta e himno nacional di Israel, cu a wordo canta pa e soprano Catherine Provence y Coral Choir. Catherine Provence, kende a compaña su mes na piano, tambe a presenta un seleccion excelente di cantica di Israel. E programa cultural di e anochi a conclui cu presentacion di e Grupo di Baile Folclorico di Israel, Regesh, cu a baila y presenta un storia di Israel den su 60 aña di existencia.

Cohen a yama bon bini na e invitadonan y a expresa su alegria di por comparti e celebracion di Israel su di 60 aniversario y e realizacion di un soño cu ta 2000 aña bieu, cu comunidnan tur rond mundo.

